


KGOTLELELO

 Ka mehla e tsebišeng gore le kgone go le elelwa nnete mo e lego. Re nyaka go bala go tšwa go Mateo, ya 15 tema ya Mateo, go thoma ka ya 21 temana.

Ka gona Jesu a tloga moo, gomme a ya ka go mabopo a Tiro le Sidone.

Gomme, bonang, mosadi wa Mokbanana a tla ka ntle ga mabopo a go swana, gomme a llela go yena, a re, Eba le kgaugelo go nna, O Morena, wena morwa wa Dafida; morwedi a ka o tlaišwa wo šoro ke diabololo.

Eupša a se mo fetole le ka lentšu. Gomme barutiwa ba gagwe ba tla gomme ba mo kgopela, ba re, Mo romele a tloge; ka gore o lla ka morago ga rena.

Eupša a araba gomme a re, Nna ga se ka rongwe eupša ge e se go dinku tše di timetšego tša ntlo ya Israele.

Ka gona a tla gomme a mo rapela, a re, Morena, nthuše.

Eupša a araba gomme a re, Ga go botse go tšea borotho bja bana, gomme wa bo lahlela go dimpša.

Gomme a re, Therešo, Morena: go le bjalo dimpša di a ja . . . marathana a a wago go tšwa tafoleng ya beng. Ka gona a re . . .

Ka gona Jesu a araba gomme a re go yena, O mosadi, tumelo ya gago ke ye kgolo: a go be go wena go ya ka mo o ratago. Gomme morwedi wa gagwe a dirwa go felela go tloga yona iri yeo.

² A re inamišeng dihlogo tša rena bjale bakeng sa thapelo. Ke a makala, bošegong bjo, ka dihlogo le dipelo tša rena di kobilwe, ge fao go ka ba yo motee mo a ka ratago go elelwa ka thapelong. A o ka no dira gore se tsebje ge o emišetša diatla tša gago go Modimo, wa re, “Ke na le nyakego, Morena, ke a rapela O tla nthuša.” Morena a go šegofatše.

³ Tate wa rena wa Legodimong, ge bjale re batamela Bogolo bja Gagwe, Leineng la Morena Jesu, ka gore O re boditše, “Ge le kgopela Tate eng kapa eng Leineng la Ka, e tla fiwa.” Re tla ka tumelo ka moka re nago nayo, re dumela gore O tla re araba go ya ka dinyakwa tša rena, bošegong, bjalo ka ge e le tše ntši. Wena o bona diatla tša bana ba Gago go kgabola moago mo, ge ba emiša diatla tša bona. Gomme Wena o nnoši o tseba se se bego se le ka fase ga pelo. Ke a rapela gore O tla ba araba, Tate, bošegong bjo. Gomme a nke kganyogo ye nngwe le ye nngwe ba nago nayo, e fiwe go bona letšatšing le.

⁴ Re rapelela bao ba sego ba phološwa gomme ba sa tsebe Wena bjalo ka Mophološi wa bona. Re a rapela gore ba tla amogela Wena, bošegong bjo, le go hwetša go lekanelamoka mo ba swanetšego go ba nago ka iring ya lehu.

⁵ Ba bantši mo mohlomongwe ba ba šetšego ba amogetše Wena, gomme ba se ba be ba tlatšwa ka Moya wa Gago. Re a rapela, gore bošego bjo, gore O tla tšhollela ka go bona botlalo bja Moya wo Mokgethwa, gore ba be bahlanka ba Gago ka go diiri tše tša go tswalela ga histori ya lefase.

⁶ Fodiša ka moka balwetši le batlaišwa, Morena. Wena o tseba senyakwa sa bona.

⁷ Gomme re a rapela gore Bogona bja Gago bo tla tla magareng ga rena, bošegong bjo, ka tsela ye e lego gore re tla lemoga Wena bjalo ka Morena wa rena yo a tsogilego. Gomme ge tirelo e tswalelwa, gomme re eya magaeng a rena, a nke re bolele magareng ga mongwe go yo mongwe, re bolele bjalo ka bale ba bego ba etšwa Emause letšatši lela, ba re, “A dipelo tša rena ga se tša ke tša swa ka gare ga rena, ge A be a bolela le rena mmogo tseleng?” ka gore ba be ba dirilwe go tseba Wena ka leswao le le itšego le O le dirilego pele ga papolo ya Gago. Gomme ka morago ga ge O tsogile, O be o le Jesu yo a swanago, a dira dilo tše di swanago. A nke re fele re hlatsela se se swanago, bošegong bjo. Ka go la Jesu Leina, re a rapela. Amene.

Le ka dula.

⁸ Ke tšere nako ya ka go tlala bošego bja go feta, ka thuto ya *Re Ka Bona Jesu*, gomme ka morago ga go tsebiša mohuta wo wa dikopano le mokgwa wa go e amogela, bjalo ka mehlang Ngwanešu Borders o tla dira go basetsebje bošego bjo bongwe le bjo bongwe go tloga bjale go ya pele. Ke ile nako ya ka ya go tlala, go fihla go masometharo go tšwa go senyane, gomme ga ke nyake go swarelela batho ba letile. Mantšu a se makae feela, go tsebana, gomme ka gona Mantšu a Morena a ra . . . Nako ye tee, Yena a bolela, go ra go feta ka mo yo mongwe le yo mongwe a ka kgonago go bolela ka nakong ya bophelo, Lentšu le tee feela go tšwa go Yena.

⁹ Ke nyaka go tšea bjalo ka ge e bile, bošegong bjo, hlogotaba go tšwa go go bala Lengwalo leo Modimo a re filego lona mo bjalo ka kamano. A nke A e fe go rena. Ke nyaka go tšea Lentšu le tee: *Kgotlelelo*.

¹⁰ Lentšu, go ya ka Webster, go dinoutse tše dingwe ke nalo le ngwadilwe ntle mo, le ra “go phegelela,” go *kgotlelela*, gomme, ke gore, ka go direng nepo; “go phegelela,” gomme yeo ke *kgotlelelo*.

¹¹ Motho wa mabaka ka moka, yo a nago le tumelo go se ba lekago go fihlelela, ba be ba kgotlelela. Ga go motho yo a ka kgonago go kgotlelela ntle le ge sa mathomo a tseba se a lekago go se fihlelela. Gomme sa mathomo o swanetše go tseba se o

lekago go se fihlelela, gomme ka gona o be le tumelo gore o ya go hwetša se o se lekago. Gomme seo se go dira o phegelele, selo se sengwe se o tsebago gore ke nnete.

¹² Tumelo e theilwe ka tsela yeo. Tumelo ga se ya thewa godimo ga tumelwana goba godimo ga selo se sengwe seo, go lokile, seo se nogo gore, “eya o dire se goba dira *sela*,” godimo ga mantšu a monna yo mongwe. Eupša tumelo e tšea lefelo la yona la go khutša la ka Gosafelego godimo ga Lentšu la Morena, godimo ga Lentšu la Modimo, e lego Beibele.

¹³ Bjale re a dumela Beibele ke Lentšu la Modimo le le sa wego. Re a dumela gore Ke Kutollo yohle ya Jesu Kriste; a ikutolla ka Boyena ka go Testamente ye Tala, ka baporofeta; Modimo a itira ka Boyena go tsebja ka Morwa wa Gagwe, Kriste Jesu, gomme ka go Yena go dula botlalo bja Bomodimo, mmeleeng. O ile a bapolwa ka baka la dibe tša rena; a hwa, a bolokwa, a tsoga ka letšatši la boraro, a rotogela ka Legodimong, gomme o morago mo gape ka Leina la . . . Ka sebopego sa Moya wo Mokgethwa, Modimo o a dula . . . Nako ye tee, Modimo ka godimo ga rena; ka go Kriste, Modimo o na le rena; bjale Modimo ka go rena. Ke Modimo a šoma tsela ya Gagwe morago go ya ka go motho, go rapela, go rapelwa ka motho, sedirišwa sa Modimo. Modimo ga a dire selo ntle le motho go ba sedirišwa sa Gagwe, mothuši wa Gagwe.

¹⁴ Gomme bjale motho yo a bilego le tumelo ka go Modimo, o be a phegelela ka go se ba lekago go se dira. Gomme re tšee motho wa mesepelo ka moka ya bophelo.

¹⁵ Mohlala, George Washington, mo ka Valley Forge. Ka morago ga go rapela bošego ka moka ka gare ga lehlwa, bogodimo go fihla lethekeng la gagwe, o be a kolobile tsela ka moka go dikologa mothalo wa letheke le gagwe, gomme noka e be e tletše aese. Eupša o ile a swara pono go tšwa go Modimo, a swara tumelo, gore Modimo o be a eya go mo fa phenyo. Gomme no—noka e be e na le . . . e sa kgone e na le aese ye ntši kudu ka go yona, go le bjalo. Ka godimo ga pedi tharong ya madira a gagwe ba be ba bile ba se na le dieta maotong a bona. Maoto a bona a be a tatilwe ka mašela, ba eme ka go tonyeng mola. Eupša go bjalo o ikwetše ka pelong ya gagwe gore Modimo o be a mo file phenyo. O be a rapetše go kgabola. Letšatši le le latelago, re a tseba, dikolo tše tharo tša sethunya sa bohwefo di ile go kgabola jase ya gagwe ntle le go mo kgwatha. Gomme noka ga se e kgone go mo emiša, le ge e le dikolo tša sethunya se bohwefo ga se dikgone go mo emiša. O be a phegelela, ka gore o be a rapetše go kgabola. Gomme o be a na le tumelo ka go se a bego a se dira, ka go yo Motee yo a bego a mo etela pele, yoo e be e le Modimo.

¹⁶ Ga go selo se yago go emiša monna ge a—a kgotlelela, ge a tseba se a se dirago, le go ba le tumelo ka go se a lekago go se fihlelela.

17 Se setee sa ditori tša kgalekgale kudu ka Beibeleng, se setee sa tšona, e be e le Noage. Noage e be e no se be monna yo mongwe wa go fapana. O be a le monna wa mehleng, mohlomongwe molemi.

18 Gomme lefase e be e le lebe, go swana le ge le le lehono, le tletše saentshe le monna yo mogolo. Ba be ba tšweletše go tšwa go barwa ba Kaine. Barwa ba Sethe e be e le badiši ba go kokobela, balemi. Eupša barwa ba—ba Kaine e be e le monna yo bohla, baagi, le—le bautolli, le borasaentshe, ditswatswa ka nnete, ba bodumedi ka nnete. Gomme ba be ba na le sebopego sa bona beng sa bomodimo, eupša ba be ba gana, go swana le ka mo go lego lehono, maatla a Modimo.

19 Gomme Noage ka go ba monna wa go loka pele ga Modimo, letšatši le letee Modimo o kopane le yena ka mašemong gomme a bolela le yena, gomme a mmošša gore a age areka, ka gore O be a eya go senya lefase ka meetse.

20 Bjale seo ka go felela se be se le kgahlanong le ka moka dikelo tša bosaentshe bja letšatši leo. Le a bona, e be e se ya ke e ena. Fao—fao go be go se monola ka moyeng. Gomme Modimo o be a nošetša lefase ka monošetšo, godimo go kgabola lefase, ka didiba. Gomme fao go be go se meetse a yeo, go se meetse ka maratadimeng.

21 Saentshe ka letšatšing leo go molaleng e be e kgona kudu. Ba fihleletše gagolo nako yeo go feta ka fao ba—ba kgonago go hlatholla lehono. Ba agile diphiramiti ka Egepeta, meago ya mafekefeke. Ba ka se tsoge ba kgona go aga seo gape. Maswika ao godimo ka moyeng, ga re na le selo go le bea ka sona godimo kua, goba ga go maatla a go le phagamiša. Eupša ka mokgwa wo mongwe ba be ba kgona go e dira ka matšatšing a Henoge le Noage, pele ga meetsefula. Gomme mohlomongwe ba thuntše ngwedi, goba ba ka no ba ba bile le diphatšamaru, le go ya pele. Ga re tsebe.

22 Eupša Jesu o rile, “Bjalo ka ge go bile bjalo ka matšatšing a Noage,” tlabologo ye kgolo ye kaone bjalo ka ge e bile nako yeo, “ka fao e tla ba ka go tleng ga Morwa wa motho.”

23 Gomme bjale mohlomongwe ba, ka go dinyakišišo tša bona tša sesaentshe, ba—ba hweditše selo se sengwe fao seo ba kgonnego go dira mmala wo o tla kgonago go ba gona go fihla lehono, tai ya mohuta wo mongwe, ye e ka se fego tsela.

24 Gomme be ba ba kgona go boloka mmele gore o se bole, ba dira mmele wa go omelela, wo o bego o lebega tlwa go ba wa tlhago; go le bjalo lehono, ka morago ga dikete tše nne tša mengwaga, e sa lebega e le ya tlhago. Re be re ka se kgone go dira seo ge re be re swanetše. Ga re na le selo go dira ka sona. Re timeditše bokgabo, mabokgabo a mantši ao ba bilego nawo.

25 Ntle le go kamaka ba be ba na le didirišwa tšeo di bego di tla netefatša gore fao go be go se meetse ka moyeng. Gomme monna

yo a tlogo tikologong, kgahlanong le saentshe, gomme a bolela gore, “Fao go ya go ba meetse go tšwa magodimong.”

²⁶ Bjale, saentshe e be e ka kgona go tšea sedirišwa le go se thuntšhetša godimo ka moyeng, gomme ya re, “Lebelela mo, Noage, bala sedirišwa se. Se fa godimo ga parometa mo, ge eba fao go meetse a a itšego godimo kua, goba aowa, gomme fao ga go selo. Bjale wena o re a godimo kua, gomme go le bjalo nyakišišo ya sesaentshe e a laetša gore ga a gona kua.”

²⁷ Seo ga se sa ke sa emiša Noage. O be a phegelela. O be a tseba gore Modimo o be a rile, “E ya go na,” gomme Modimo o be a kgona go bea pula godimo kua ge A boletše bjalo. O be a tla e dira, ge eba fao go be go le ye nngwe goba aowa. Ka fao o be a phegelela ka morago ga go tseba Lentšu la Morena.

²⁸ Gomme ge monna a tseba Lentšu le thato ya Modimo, o ba wa go phegelela. O ba wa go kgotlelelo. Ga go kgathale gore saentse e re, “Go lokile, ba ka se kgone go dira se, ba ka se kgone go dira sela,” le a e tseba, go e bjalo. O swere Selo se sengwe, gomme Selo se sengwe seo se go swere. Le dikologa mmogo. Wena, fao go selo se sengwe ka sona, se o sa kgonego go se hlatholla. Ga go kgathale gore ka sesaentshe se bonala e se sa therešo bjang, go le bjalo fao go Selo se sengwe ka go sona se go botša gore ke sa Modimo, gomme ga go selo se yago go se emiša.

²⁹ Ka fao re hwetša gore Noage o be a kokotela thwi go ya pele godimo ga areka, go sa kgathale gore ke netefatšo ye kae ya sesaentshe, “go be go se bjalo, gomme go be go se pula.” Gomme o e dumetše go le bjalo, ka gore o be a kwele Lentšu la Morena.

³⁰ Gomme fao ke mo tumelo e theilwego sedumedi godimo ga, GO RIALO MORENA.

³¹ Moshe, monna yo mongwe yo mogolo, monna wa setswatswa yo a godišitšwego godimo, o tswetšwe ka lefaseng bakeng sa phihlelelo ye e itšego ya Modimo. Gomme o lekile go kopanetša morero ka ditiro tša gagwe tša sesaentshe. Re a rutwa le go botšwa ke histori gore o be a le moetapele yo mogolo wa sešole, gomme tsela e nnoši ya gagwe go dira eng kapa eng, e be e le, go bolaya go tloša. O be a le setswatswa kudu go fihla a kgona go ruta ditswatswa tša Baegepeta, bohlale. Ka go ka moka bohlale bja gagwe le ka moka se a bego a se tseba, go le bjalo o ile a feila, a feila wa go šokiša, go fihlelela se Modimo a bilego le sona ka monaganong ka yena go se dira. Gomme ka go hwetša go feila ga gagwe, ka go bolaya Moegepeta le go mo uta ka lešabašabeng, le go kwa go solwa go tšwa go ngwanabo, goba potšišo. “A o tla re bolaya bjalo ka ge o dirile Moegepeta?” Godimo ga se, Moshe o ile a tšhabela ka lešokeng, moporofeta yo a tšhabago.

³² Ka morago ga mengwaga ye masomenne ka lešokeng, yeo Modimo o mo rutolotšego go tšwa go dilo tša lefase, go ya go monagano wa Modimo; go tšea ka moka grata ya gagwe ya

bongaka, le se sengwe le se sengwe, go tloša go tšwa go yena, go fihla A kgona go šoma ka pelong ya gagwe.

³³ Ga A bile le materiale o ka ba go lokela, letšatši le tee ge a be a dišitše dinku ka lehlakoreng la morago le leganata, tsela ya kgale ya go tlwaelega, o ile a hwetša mohlare o tuka.

³⁴ Moshe, ka go ba rasaentshe, ga se a ke a o batamela ka tsela ya raseaentshe. Ge le ka hlokomela, ga a le rasaentshe, nkabe a rile, “Bjale ke ya go tšea a mangwe a matlakala go tšwa mohlareng wola, le go a tšeela go ya laporatori le go hwetša ntle seo a bego a fadadišwe ka sona, lebaka leo a tukago gomme a sa swe.” Ge nkabe a dirile seo, gona o be a se a be a lokela.

³⁵ Eupša se a se dirilego, o ile a O batamela gomme a rola dieta tša gagwe, a khunama godimo ga matolo a gagwe gomme a thoma go bolela le Wona, ka gore o tsebile gore O be o le wa ka godimo ga tlhago. Go tšwa fao go tšwele Lentšu la Morena, la re, “Ke kwele dikolomelo tša batho ba Ka, gomme Ke elelwa Lentšu la Ka. Ke go roma tlase go ba lokolla.”

³⁶ Bjale dinako tše dingwe, ka tseleng ya mošomo, Modimo o bitša monna wa Gagwe go dira dilo tše e lego tša go nyefola ka go felela go monagano wa tlhago. O ba dira gore be dire selo se sengwe seo ka moka mmogo se bego selo sa go segiša. Mohlala, go be go ka reng ge Moshe a ka be a ile a feila, bjalo ka monna yo moswa wa mengwaga ye masomenne ka bokgale, monna wa sešole; le terone, leoto la gagwe godimo ga yona, ka moka madira a Egepeteta ka fase ga taolo ya gagwe? Gomme a feila go dira seo, gomme šo o ya tlase Egepeteta, mosong wo o latelago, ka morago ga go kopana le Morongwa wo ka sethokgweng, a se na le selo ka seatleng sa gagwe eupša lepara la go tšofala la go kgopama go tšwa leganateng, le mosadi wa gagwe a dutše godimo ga mmoula, gomme Gerisome a le godimo ga letheka la gagwe, malente a mašweu a lekeletše tsela tlase godimo go mothalo wa letheka la gagwe, mohlomongwe. O be a le mengwaga ye masomeseswai ka bokgale. Hlogo ya gagwe ya lefatla e be e gadima letšatšing, le lepara ka seatleng sa gagwe, mahlo a gagwe a beilwe go lepanyana leratadimeng, le myemyelo go kgabaganya dipounama tša gagwe.

Yo mongwe a ka be a ile, “Moshe, o ya kae?”

A re, “Ke ya tlase Egepeteta, go tšea taolo.”

³⁷ Ge a se a kgona go e dira ka madira, o ya go e dira bjang ka lepara la go kgopama? “Oo, monna, o lahlegetšwe ke monagano wa gago. O—o ka ntle ga hlogo ya gago.”

³⁸ E be e le tllhaselo ya monna yo motee. Eupša selo sa yona e be e le, o e dirile, ka gore e be e le Lentšu la Morena. Gomme Moshe o be a ikemišeditše, go sa kgathale gore mathata a gagwe e be e le eng. Modimo o be a na le yena, gomme Yena o tura go feta ka moka mathata.

39 Ge banna le basadi ba ka kgona feela go nagana seo bošegong bjo, gore Lentšu la Modimo ke Therešo! Fao ga go selo gape. Ka moka Bokagosafelego bo kgwapareditše godimo ga Lentšu. “E sego Lentšu le tee,” Jesu o rile, “le tla feila. Magodimo le lefase a tla dira, eupša Lona le ka se ke.”

40 Moshe o ile tlase. Gomme o be a phegelela ge a lahlela lepara la gagwe fase, gomme le fetoga go ba serpente.

41 Ka gona o hweditše baekiši. Seo se sa tsekella mmogo tseleng ya Modimo, yo mongwe go leka go ekiša selo se sengwe. Gomme baekiši ba tla godimo go dira bobogo go tšwa go sona, ba lahlela mapara a bona fase.

42 Moshe o tsebile Yo a boletšego le yena. O tsebile Yo a mo dumetšego, gomme o ile a fenyega gore O be a kgona go boloka seo a se neetšego go Yena kgahlanong le iri. Moshe o eme ntle le go šišinyega. Ka gona serpente ya Moshe ya ja serpente ya boramaletlana.

43 Gomme re a rutwa gore sona selo se se swanago se tla boeletša gape, mohlomongwe e sego ka mokgwa wa go swana, eupša se tla boeletša gape ka matsatšing a mafelelo. “Ka gore bjalo ka ge Janese le Jamboro ba phegišitše Moshe, ka fao ba tla ganetša Therešo.”

44 Moshe o be a phegelela, ka gore o bile le phihlelelo, ka GO RIALO MORENA ka morago ga yona, “Ke tla ba le wena.”

45 Dafida, o eme pele ga Soulo, letšatši le letee. Gomme a kwa Goliata a tšwela ntle godimo ga thaba, lekgema le legolo la go ba le menwana ya diintšhi tše lesomenne. Gomme le lerumo le legolo ka seatleng sa gagwe, saese ya tšhwana ya go roka, go molaleng masomepedi goba masemetharo a dikgato, lerumo le legolo mafelelong a lona, goba, ntlha, mphiri. E nong go eleletša se hlogo ya monna yoo e bego e le sona, e swanetše go be e be e le saese ya sebjana sa go bjalela dimela, le sekorokoro se segolo sa diintšhi tše pedi ka bokoto bogodimo ga godimo ga sona, le mphiri, ka moka e pipilwe godimo. Gomme o be a dira tlhohlo kgahlanong le madira a Modimo! Gomme o e boletše ka bogoneng bja Dafida.

46 Gomme Dafida o be a le yo monnyane, monna yo mohubedu, mothaka yo monnyane, go molaleng ka magetla a go kobama. Beibele e boletše gore o be a le yo “mohubedu,” mothaka yo monnyane. Ga se a ke a tsoge a ba le tlhahlo ka go—ka go lweng, ka lerumo le dilo. Eupša o be a hlokomela dinku ntle ka lehlakoreng la morago la leganata, gomme tau ya tla ka gare gomme ya swara e tee ya dikwana tša gagwe, gomme a ya morago ga gagwe gomme a mmolaya ka seragamabje. Re hwetša bere e dirile, e lekile selo sa go swana, gomme Dafida a mo fenya.

47 Gomme ka gona Dafida o ile a re, “A le ka ema gomme la tlogela lešoboro lela la Mofilisita le roga madira a Modimo yo a phelago?” O lešitše bana babo dihlolong; ge ba be ba re o a seleka,

o be a tlile ntle go bona ntwa. Eupša go be go le Selo se sengwe ka go Dafida, se a bego a se tseba gore o be a feta mofenyi. Ka fao o rile, “Ge le boifa go lwa le yena, ke tla ya go lwa le yena.”

⁴⁸ Saulo, se sa tla go mogenerale, Saulo, gomme a bea seaparo sa ntwa godimo ga gagwe, gomme sa se mo lekane. O hweditše ntle gore besete ya gagwe ya boboledi ga se ya ke ya lekana monna wa Modimo. Gomme selo se sa ke sa dira. O ile a se tsebe se a ka se dirago. “Se, ga se ka ke ka netefatša se. Ga ke tsebe selo ka tše, Kgrata ya Bokgabo, le go ya pele. Tšeang selo go tloga go nna gomme le ntlogele ke ye ka tsela ye Modimo a mphilego go lokologa. A nke ke ye le seragamabje.”

⁴⁹ “Ka baka la eng,” ba rile, “ke mogale go tloga bosweng bja gagwe, gomme ga o selo eupša moswa.”

⁵⁰ O rile, “Ke feta le go emelana le yena. Nteseng ke ye.” Gomme ga go kgathale gore lekgema le be le lebeaga bogolo bjang, le gore go be go se nnete bjang, Dafida o be a phegelela gore lešoboro lela la Mofilisita le be le se la swanela go ganetša madira a Modimo wa go phela ao a bego a a emetše.

⁵¹ Oo, ge nkabe re na le bo Dafida ba bantši ka madireng a, ge nkabe re na le monna go fetiša yo a tlogo go ema le go phegelela, a kgotlelela ka Tumelong ye ya go fiwa bakgethwa gatee!

⁵² Simisone, monna yo mongwe wa go kgotlelela kudu. O tswetšwe tswalo ya Bonasare.

⁵³ *Bonasare* bo ra “go aroganyetšwa Lentšu.” A selo se sebotse e ka bago sona bošegong bjo ge ka moka Bakriste ba ka ba Banasare go Morena; go aroganyetšwa e sego go thutotumelo, eupša go Lentšu. Kriste ke Lentšu leo. Go aroganyetšwa go Lentšu!

⁵⁴ O be a na le melogo ye šupa ya meriri ye e bego e lekeletše go theoga mokolo wa gagwe, e bego e le leswao la gore o be a arogantšwe.

⁵⁵ Gomme ka gona letšatši le letee o ile a gahlanetšwa ntle me—me melaleng, a se na le selo ka seatleng sa gagwe go lwa ka sona, ke Bafilisita ba sekete. Bafilisita bao ba be ba le monna bjalo ka leboto la mphiri; dikokoro tše kgolo tše boima godimo ga dihlogo tša bona, dihlabani tše kgolo godimo ka pele ga bona, le dikotse, mapanta, le go ya pele, godimo, go phema kolo efe kapa efe; go molaleng gore sekokoro e be e le intšhi ka bokoto, godimo ga dihlogo tša bona.

⁵⁶ Simisone o be a se na le selo, eupša o be a sa ikwela gore tshepišo ye Modimo a mo diretšego e be e sa lekeletše godimo ga hlogo ya gagwe. O be a sa kgona go ikwela tlotšo, ka mantšu a mangwe. O ile a tseba gore Modimo o be a na le yena, ka gore o be a ekwa yona melogo e lekeletše go theoga go dikologa magetla a gagwe. O ile a tlimarela se se bego se le ka gare ga sa gagwe. . . a kgonago go se hwetša, gomme e be e le lerapo la mohlagare

wa mmoula. Gomme o ile a ema ka se a bego a na le sona ka seatleng sa gagwe, gomme o be a phegelela gore e be e ka se be lerapo la mohlagare goba letsogo la gagwe mong, eupša e be e tla ba maatla a Morena. Gomme maatla a Morena a ile a tla godimo ga gagwe, gomme a itia, ka lerapo leo la mohlagare, sekete sa Bafilisita.

⁵⁷ O e dirile bjang? La go tšofala, la go pšhatlega ga bonolo, la go karabetšwa ka leganateng, lerapo la mohlagare, ge o ka le itia kgahlanong le letlapa, le be le tla fofa diripana; gomme godimo ga dikokoro tše di bego di le godimo ga Bafilisita bao, tšeo di bego di lepeletše fase, le matlakala a magolo a hlomile godimo ka mathoko ge e eya bokagodimo ga magetla, intšhi ka bokoto, le mphiri. O ile a ema ka lerapo la mohlagare gomme a itielala fase sekete. E rile, “Moya wa Morena o tllile godimo ga gagwe.” O be a phegelela.

⁵⁸ Letšatši le letee, tau e kitimetše ntle ka morago ga gagwe gomme o be a se na le selo ka seatleng sa gagwe. Eupša Moya wa Morena o ile wa tla godimo ga gagwe, melogo ya gagwe e be e sa lekeletše godimo ga magetla a gagwe, o ila a gagoganya tau ka diatla tša gagwe. O be a phegelela kudu, ka gore o be a tseba gore tshepišo ya Modimo e be e na le yena. O be a kgona go fihlelela eng kapa eng, ka gore tshepišo ya Modimo e be e na le yena, go lokolla.

⁵⁹ Johane o be a na le nnete kudu! Johane Mokolobetši, ge a tswetšwe, o tsebile gore o be a swanetše go ba yena yo motee, ka morago ga ge a bile yo mogolo go lekanela go kwešiša, e ka ba mengwaga ye senyane ka bokgale. Tatagwe e be e le moprista. Ka setlwaedi ba latela lefapa la tate. Eupša ga se a ke a ya tlase dikolong le disimang, ka gore o be a tseba gore mošomo wa gagwe o be o le bohlokwa kudu. O be a swanetše go tsebatša Mesia. Re a tseba gore Morongwa o boletše bjalo.

⁶⁰ O tsebile gore o be a emetšwe ka Lengwalong, “Lentšu la yo motee a goelelago lešokeng, ‘Lokišang tsela ya Morena!’” O tsebile gape gore Maleaki, mengwaga ye makgolonne pele, o rile, “Bona, Ke roma motseta wa Ka pele ga sefahlego sa Ka.” Ka morago ga go ba ka lešokeng, moo, a hweditšego go tšena sekolo ga gagwe go tšwa go Modimo, e sego go tšwa go siminare ye nngwe ya thutabomodimo bjalo ka ge tatagwe a etšwa go yona.

⁶¹ Eupša o be a na le mošomo wo bohlokwa. O be a swanetše go tsebatša Mesia, gomme o be a swanetše go tseba gore ke mohuta mang wa leswao o tlogo go be o latela Mesia. Ka gona o ile a ela hloko, letšatši le letee, o be a eme, a rerela batho, o rile, “Fao go yo Motee o eme magareng ga lena bjale, Yo le sa mo tsebego, Yo ke se nago maswanedi a go hunolla dieta tša gagwe, O tla le kolobetša ka Moya wo Mokgethwa le Mollo.” O be a na le lehlakore la maleba ka boemo bja gagwe, o be a na le lehlakore la maleba ka bodiredi bja gagwe, go fihla a rile, “O eme mo

felotsoko bjale, magareng ga lena!” O be a sa boife go e bolela sefahlego sa Bafarasei le Basadutsei, le—le mašole, le eng kapa eng e bego e le yona. Ba bangwe ba bona ba Mo lebeletše lebaka la dikete tša mengwaga, eupša o rile, “O eme magareng ga lena.” Ga go yo mongwe a bego a ka e tšea go tloga go yena. O be a phegelela. O be a kgotlelela ka go sefahlego sa ka moka. Eye.

⁶² Mosadi yo monnyane yo wa Mogerika, ntle le go kamaka, o kwele ka Yena, o kwele ka Jesu, tsošeletšo ye kgolo. Moporofeta yo monnyane a etla godimo ka Galelia, go tšwa Natsaretha, gomme o be a laetša maswao a magolo le dimaka. O be a kwele ka Yena, gomme, “tumelo e tla ka go kwa.” Mosadi yo wa Sirofenike, e be e le Mogerika. Tumelo e hwetša methopo yeo ba bangwe ba sa e bonego. Ge a kwele, o ile a dumela. A ka no ba a kwele ka mosetsana wa moagišani a fodišitšwe go hwa dihwahwa, tšeo ngwana a bego a na le tšona, gomme ba ka no ba ba kwele mohwa dihwahwa yo a fodišitšwe. Ka fao morwediagwe o be a nyaka phodišo, gomme o be a kwele gore Jesu o be a ka kgona go e dira.

⁶³ Ka gore, Yena o be a le Lentšu la Modimo le dirilwe nama! Mokgethwa Johane 1, “Mathomong yo a bego a le gona ke Lentšu, gomme Lentšu o be a le go Modimo, gomme Lentšu e be e le Modimo. Gomme Lentšu le ile la dirwa nama gomme la aga magareng ga rena. Wa go swana maabane, lehono, le go ya go ile!” O be a le kua go utolla ditshepišo tša Modimo tša letšatši la Gagwe.

⁶⁴ O mo bošegong bjo go hlatsela le go utolla tshepišo ye nngwe le ye nngwe ye Modimo a e diretšego lebaka le. O mo go e dira. O be a le ka matšatšing a baporofeta. O be a le ka go Moshe, O be a le ka go Dafida, O be a le ka go Eliya, O be a le ka go bohle ba bona, go utolla tshepišo ya Modimo ya lebaka leo. Modimo o abetše Lentšu la Gagwe go lebaka le lengwe le le lengwe, gomme O romela moporofeta, gomme Lentšu le ya go moporofeta gomme la le utollega ntle, gomme seo ke tlwa se A se dirilego go kgabola mabaka ka moka. Gomme Yena ke Modimo, gomme ga a fetoge. Jesu Kriste ke Moporofeta yoo bošegong bjo yo a emego magareng ga rena. Ke Yena yo Motee mo ka sebopego sa Moya wo Mokgethwa, Yo a tsebago se sengwe le se sengwe, gomme o kgona go utolla eng kapa eng ye A kganyogago go e dira.

⁶⁵ Mosadi o dumetše se, go se kgathale gore ke mo gokae batho ba bego ba sa se dumele.

⁶⁶ Tumelo e hwetša mothopo wo batho ba bangwe ba sa tsebego selo ka wona. Ge monna a na le tumelo ka go Modimo, o swere selo se sengwe se a ka se kgonego go se hlatholla. Ke selo se sengwe se a se swerego. A ka se kgone go se kgorametša, goba go se šuthiša, goba go se goga. E a Mo tšea. Ye ke tsela ye tumelo e lego ka yona, ge monna ka nnete a na le tumelo ka go Modimo, e hwetša mothopo wo mongwe wola ba bangwe ba sa kgonego go o bona.

67 Lentšu la Gagwe ke tšhoša. Beibele e boletše bjalo. Ge o nyaka mothopo wa seo, ke—ke Baheberu 4:12, bjalo ka ge ke na le hlogotaba e ngwadilwe fase. Beibele e rile, “Lentšu la Modimo ke le bogalegale go feta tšhoša ya magale a mabedi.” Tšhoša ye e swanetše go swarwa ke seatla sa tumelo. Seatla sa thutabomodimo se ka se kgone go e dira. Go swanetše go tšea seatla sa tumelo, se se hlahlilwego ka go dilo tša semoya, se se tsebago Modimo.

68 Gape, go no, bjalo ka ge nka no bolela se. Le dumela bjang gore Jesu o ile a lebelela godimo ga batheeletši gomme a bona megopolo ya bona? Ka gore O be a le Lentšu. A re tsopoleng lohle Lentšu mo, “Le bogale go feta tšhoša ya magale a mabedi, Molekodi wa megopolo le maikemišetšo a pelo.” O be a le Lentšu. Ke ka baka leo A kgonneggo go hlatha dikgopolo tše di bego di le ka pelong ya bona.

69 Bošego bja go feta, bjalo ka ge re tšere, “bjalo ka ge go bile bjalo ka matšatšing a Sodoma,” re laeditše Monna yola a bego a eme kua, a eja nama ya namane, a enwa maswi go tšwa go tshadi, a eja pоторo le borotho; a eme kua a eja, a apere diaparo bjalo ka lena le nna, ka magetla a Gagwe a šotologetše tente, gomme a bona se Sarah a bego a nagana ka sona ka tenteng. Ga go makatše ge Abraham a ile a Mmitša Elohim, “yo Motee wa go lekanela moka, Motee a lego gona ka boyena,” *Elohim*.

70 Jesu o rile, “Bjalo ka ge go bile bjalo ka matšatšing a Sodoma, ka fao go tla ba bjalo ka go boweng ga Morwa wa motho.” E tla ba selo se se swanago. “Ka matšatšing,” a le etše hloko, “ka Sodoma kua”? E boletše ka go Luka 17:15, e boletše gore, “Ge matšatši a Sodoma, ka fao go tla ba bjalo ka go tleng ga Morwa wa motho, ge Morwa wa motho a utollwa.” Ka matšatšing a Morwa wa motho a utollwa go swana le ka fao A bilego ka Sodoma, selo se se swanago se tla be se direga.

71 Re hwetša ntle gore mollo o lokile, ditšhaba di lokile, baebangedi ba ile mafelong a bona, gomme mpho ye nngwe le ye nngwe e beilwe ka lenaneo. Ga go makatše re swanetše go phegelela! Ga go makatše re swanetše go kgotlelela! Re na le morero wo re swanetšego go o kgonela Modimo, woo ke, go biletša Monyalwa wa Jesu Kriste ntle go tšwa go dikereke tša maina ka moka, go tšwa go batho ka moka, batho ba ba aroganyeditšwego Modimo.

72 Mogerika yo o be a kwele mantšu a. O ile a le dumela. O bile le dišitiši tše ntši, eupša tumelo ya gagwe e be e se na le se se itšego. Tumelo ga e tsebe sešitiši. Tumelo ya gagwe e be e se na le sešitiši. O be a na le sona, eupša tumelo ya gagwe e be e se naso. O ka no ba le dišitiši, eupša, ge o na le tumelo, ga e tsebe phenyo. E na le maleba. A re boneng tše dingwe tša dišitiši tša gagwe, feela lebakana.

73 Ba bangwe ba bona ba ka be ba rile, “Elelwa, ke wena wa morafu wa go fapana. O Mogerika, Mosirofenika ka setšhaba. Yena ke Mojuda.” Ka mantšu a mangwe, lehono le be le ka re, “Kereke ya geno ya leina ga e na le tsošetšo ye.” Ga e dire phapano, kereke ya gago ya leina, ge eba ke yona goba aowa. Mosadi yola o be a sa tshwenyege gore e be e le kereke ya mang ya leina. O be a le motho yo a bopilwego ke Modimo, gomme o be a na le senyakwa, gomme o be a na le tumelo gomme o be a eya go se hwetša. Ge eba kereke ya goba ya leina e be e dirišana goba aowa, e be e sa mo dire phapano. O ile a thoma go tloga.

74 A ka no ba a bile le moswaswalatši yo mongwe yo a ka bego a kopane le yena tlase mothalong, gomme a re, “Ka baka la eng, matšatši a mehlolo a fetile. Ga re na le mehlolo gape.” Yo a ka no ba a le Mojuda, ka morago ga ge a tsene ka gare, yena godimo ka go naga moo Jesu a bego a le gona, go kgabaganyetša ka Galelia. “Matšatši a mehlolo a fetile. Fao ga go selo se se bjalo.” Go le bjalo o be a se phegelela. O be a kgotlelela. Sešitiši sa kereke ya leina ga se sa ke sa mo emiša, le ge e le mang kapa mang wa bona yo a bego a dumela gore matšatši a mehlolo a be a fetile. O be a tseba go fapana. Selo sa pele, o be a na le selo se sengwe ka gare ga gagwe, se se mmoditšego gore o be a tla hwetša se a bego a se kgopela.

75 Oo, batho, bošegong bjo, ge feela o ka kgona go swara seo ka pelong ya gago, gore Modimo o mo go go fa kganyogo ya pelo ya gago! Ge o ka kopanetša mabaka a Gagwe, ga go selo se ka kgonago go ema.

76 Fao go ka no ba go bile sehlopha sa basadi ba ba tlilego go yena, gomme ba rile, “Lebelela, Kgaetšedi Lydia,” goba eng leina la gagwe e bego e le lona, “ao a kwešiša gore monna wa gago o tla go tlogela ge o dira se?” Ntle le go kamaka eupša o be a rata monna wa gagwe, eupša o be a ka se kgone go roga goba go šegofatša Seo se bego se le ka go yena. Selo se sengwe se be se mmošša, morweddiagwe o be a ehwa ka go hwa dihwahwa gomme o be a swanela go tla go Jesu, gomme, ge a fihla kua, selo se sengwe se be se eya go direga, monna goba go se monna.

77 Ba bangwe ba bona ba ka be ba rile, “Go lokile, o ya go dira eng ka ngwana yola wa go tlaišega ge e ka feila?” Eupša o be a tseba gore e be e sa ye go feila. Selo se sengwe se be se le ka go yena, se se bego se mmošša gore e ka se kgone go feila. Ge eba O kile a ba Modimo, O sa dula e le Modimo. E ka se kgone go feila. Ka fao, o be a sa kgotleletše.

78 Ka gona ba bangwe ba bona ba ka be ba rile, “Legoro le o lego wa lona, ka setšhabeng, ba tla go sega.” Lesego goba go se lesego, se be se sa mo direle phapano. Selo se sengwe se be se le ka gare ga gagwe! O be a sa kgotleletše.

79 Ba bangwe ba bona ba ka be ba rile, “O tla beelwa ka ntle ga kereke ya gago.” Go beelwa ka ntle goba go se beelwe ka ntle,

o be a le tseleng ya gagwe, selo se sengwe se be se mo gogela go Jesu! Fao go be go se selo se yago go ema ka tseleng ya gagwe, go se dišitiši. O be a kgotlelela. Ga go selo se ilego sa ema ka tseleng ya gagwe.

Mafelelong o ile a fihla mo A bego a le gona.

⁸⁰ Batho ba bantši ba a nagana, “Feela ka gore o fihlile mo A lego, ka moka go fedile.” Yeo ke phošo. A ka kgona go tla mo ka moagong wo bošegong bjo gomme a itaetša ka Boyena a phela, ka morago ga dikete tše pedi tša mengwaga, ka dilo tše A tshepišitšego go di dira ka letšatšing le. O dirile bošego bja go feta. O dira bošego bjo bongwe le bjo bongwe. O dira gohle. O netefatša gore O sa phela. Gomme o ka kgona go ba ka Bogoneng bja Gagwe, eupša ga se yona. Aowa, mohlomphegi. Nako ye nngwe o kopana le bothata ge o etla ka Bogoneng bja Gagwe. Mosadi o dirile.

⁸¹ Ge a fihlile, ka gona Jesu o rile, O be “a se a romelwa” go morafa wa gabo. Yena yo Motee yo a tlilego a dumela ka go yena, o mo ganne. Yeo ke thuto. Yena yo Motee yoo . . . O ile go kgabola ka moka dikgoro tše, tša bohloko le manyami, le se sengwe le se sengwe, go fihla kua, ka Selo se sengwe se bego se rethetha ka gare ga gagwe, se mmošša gore a ye; ge a fihla kua go Yena, O ile a mo gana, go felela. Gomme ntle le seo, O rile morafa wa gabo e be e se selo eupša sehlopha sa dimpša. “Ga se gwa Ntshwanela go tšea borotheo bja bana gomme ke fepe lena dimpša.”

⁸² Go ka reng ge A ka be a biditše ma—ma Mapentecostal, “dimpša”? Nna, ga ke tsebe gore go ka be go diregile eng. Go ka reng ge A ka be a rile, “dimpša tša Methodist, dimpša tša Baptist”? Kgopolo ya ka, e ile morago gomme e boditše modiša gore o be a le thwi morago ga ka moka, fao go be go se selo go Mothaka yo. Eupša ge o o swere, gomme selo se sengwe se go swere, go ya go fapana.

⁸³ “Nna ga se ka rongwa go morafa wa geno wa dimpša. Ga se gwa Ntshwanela go tšea borotheo bja bana gomme ke go fe bjona. Nna ga se ka romelwa go lena. Tsošetšo ya lena ga se ya, khamphane ya lena ga e thekge ye ka tšhelete, gomme Nna ga ka rongwa go lena. Gomme ga se gwa Ntshwanela go tšea nako ya Ka godimo ga lena, mola le se selo eupša dimpša. Gomme ka baka la eng Ke swanetše go senya nako ya Ka godimo ga lena?” A go nyamišwa mo e bego e ka ba gona go mosadi yo a bego a se na le tumelo, yo a bego a se a ikemišetša! Oo, ge kereke e ka kgona feela go bona seo! Eupša go le bjalo o ile a swarelela godimo.

⁸⁴ O be a se, se—se semela sa ntlo ya go fiša se se bego se swanetše go fepeletšwa, setee sa mohuta wo o swanetšego go se fothela ka moka gohle, le a tseba, go raka dithokga go tloga go sona. Semela se sebotse sa go fola, ga wa swanela go se fothela. Semela se sebotse sa go fola, thokga e ka se kgone go tla go sona, se tletše go fola.

⁸⁵ Gomme ye botse ya go tswalwa gape tumelo ka go Modimo, ya nnete ya mmapaale tumelo ya Moya wo Mokgethwa, ga go se se yago go e bušetša fase. E ka se kgone go e dira. E a phegelela. E ya go morero wo Modimo a o tshepišitšego go yona. Fao ga go selo se yago go e retollela fase. E ya go le bjalo. Eye, o be a se motswako.

⁸⁶ Lehono, se sengwe le se sengwe re nago naso ke motswako. O bolela ka lebele la motswako, ke le bone ntle go moswao ntle mo. Ga se la loka. Le bolaya batho. Lebelelang go *Reader's Digest*, e rile, “Ge basadi ba tšwelapele ba le ja, go ya go direga eng, ba ka se sa ba le masea a bona gape, ka go mengwaga ye masomepedi go tloga bjale. Ba ka se kgone go tswala bana ba bona.” E e robela fase, go fihla kankere e tšea go swara. Oo, se sengwe le se sengwe, selo sohle se lewa ke seboko. Seo ka nnete se rotlela bosaentshe, ka ebolušene, ntle.

⁸⁷ Jesu o rile, Modimo o rile, ka mathomong, “A peu ye nngwe le ye nngwe e tliša pele mohuta wa yona.” Tšea lebele la motswako, gomme o le tswake, gomme o le bjale; bjala peu yona ye e swanago ngwaga wo o latelago, ga se o hwetše selo. O hwetša leroro la go lebega bokaonekaone, eupša ga o na le selo. Ba tswakile selo se sengwe le se sengwe, ka lefaseng.

⁸⁸ Tšea mmoula; gomme goba tšea pe—pe peretona gomme o e tswake le tonki ya tshadi, o hwetša mmoula, eupša mmoula woo ga o kgone go ikoketša morago ka sewona. Ka selo sa go hloka tlhokomelo kudukudu lefaseng. Ke ila ka di otlela, ka moka bophelo bja ka mo, o tla . . . o tla leta go fihla ka motsotso wa go hwa, go go raga. Ga o tsebe selo. O ka se kgone go o ruta selo.

⁸⁹ Ge o bolela le yena, o no swana le bontši bja ba ba bitšwa gore ke Bakriste ka ditsebe tše di tlorotšwego ntle, “Hawo? Hawo?” Ga e bile. . . E a lla, gomme ga e tsebe gore e lla ka baka la eng. “Matšatši a mehlolo a fetile. Ga go selo se se bjalo ka phodišo.” Eupša tšea ye kaone. . . Ga a tsebe mo a tšwago. Ga a tsebe gore papa goba mama ke mang.

⁹⁰ Eupša pere ya motswako wa mmapaale wa nnete e tseba gore papagwe ke mang, mmagwe e be e le mang, tatagwe mogolo ke mang, tatago-tatagwe mogolo ke mang, mogolo-golo-golo-golo-, tsela ka moka morago. O tseba mo a tšwago.

⁹¹ Ka fao Mokriste wa mmapaale wa go tswalwa gape o tseba mo a tšwago gona. Setlogo sa gagwe e be e se John Wesley, Luther, goba yo mongwe gape. E thomile ka Letšatši ba Pentecost, ge Modimo ka Boyena a tlile magareng ga batho ba Gagwe. Gomme Yena ke Lentšu le dirilwe go bonagala. O ka kgone go mmotša Lentšu, gomme o tla re, “Amene!”

⁹² Yo mongwe yo motee o re, “Ga ke tsebe ka Leo.” Le a bona tonki yela, motswako? Le a bona, ga e tsebe mo e yago, ga e tsebe mo e tšwago. O ka leemong la go šokiša.

93 Mosadi yola o be a se mohuta woo. O be a se semela sa motswako. O be a swere selo se sengwe. O be o se wa swanela go mo fepeletša le go mo fothela, le go re, “Bjale, moratwa, ka kgopelo, bjale a ke go kgopele. O swanetše go tla tlase.” Aowa, mohlomphegi. E sego motho. Se sengwe le se sengwe se be se leka go mo šitiša.

94 Mokriste wa nnete o lwela leemo la gagwe. O swanetše go ema a nnoši, yena le Modimo, gomme a lwele intšhi ye nngwe le ye nngwe ya mobu, ka fao ga wa swanela go ba fepeletša go dikologa.

95 Yeo ke ye e lego taba ka kereke ya Pentecostal lehono, re na le masea e Pentecostal a nngo go fafatšwa le go fothelwa ka *se le sela*, le se *sengwe*, go fihla e kitimela go sehlopha sa metswako. Se re se nyakago lehono ke go hlwekiša ntlo, go tloga phuluphithing tsela ka moka go ya go—go mohlokamedi, le go thoma godimo gape, le go dira tumelo ya mmapaale gore e tswalwe ka go batho. Ya.

96 Aowa, o be a se motswako, bjalo ka se sa go bitšwa puno ya bodumedi lehono. A o dirile eng? O amogetše gore O be a rereša, Lentšu.

97 Gomme ka mehla tumelo e a amogela gore Lentšu le a rereša. Amene. Ge tumelo ya gago e sa feleletše Lentšu le lengwe le le lengwe la Lentšu la Modimo, ka *amene*, fao go selo se sengwe se fošagetše ka boitemogelo bja gago. Beibele e rile, “O a swana maabane, lehono, le go ya go ile.” Ge e sa re *amene* go seo, gona fao go selo se sengwe se fošagetše. Jesu o rile, “Mediro ye Ke e dirago le tla e dira le lena.” Ge e sa re *amene* go seo, gona fao go selo se sengwe se fošagetše. Ge e sa feleletše Lentšu le lengwe le le lengwe la tshepišo ya Modimo, ka *amene*, fao go selo se sengwe se fošagetše.

98 O amogetše gore O be a rereša. O amogetše gore o be a se selo eupša mpša. Eupša o be a le ka morago ga marathana.

99 E be e ka se be rena. Oo, aowa. Re swanetše go bewa godimo ga setulo, gomme, “Ge ba sa ntirele bošego bja mathomo, nka se ye morago bošego bjo bo latelago.”

100 Bjale, le a bona, oo, a phapano ye a bego a le yona. A bewa morago, le go kgoromeletšwa morago, go kgoromeletšwa ntle, go bewa ka ntle, eng kapa eng e bego e le sona, o be a ikemišeditše. O be a phegelela, a kgotlelela. Selo se sengwe ka gare ga gagwe, se mmoditše gore o be a eya go e hwetša go sa kgathale gore o be a swanetše go leta botelele bjang, se a bego a swanetše go ya go kgabola go sona. O be a tla se hwetša go le bjalo. O be a le ka morago ga marathana. O be a sa nyake matena a go tlala. O rile, “Dimpša di ja marathana ka tlase ga tafola ya mong.”

101 Yeo ke tsela ya go e dira. O se ke wa tšea setulo sa godimo; tšea setulo sa morago. O se ke wa dira . . . E no ba motho yo monnyane. Tsela ya go ya godimo ke fase, ka mehla. “Yo a ikokobetšago ka

boyena o tla phagamišwa. Yo a iphagamišago ka boyena o tla kokobetšwa.” Tsela ya go ya godimo ke fase, ka mehla.

¹⁰² Elelwang, o be a se a ke a bona mohlolo. O be a le Montle, eupša o be a na le tumelo.

¹⁰³ O be a le selo se sengwe go swana le seotswa, Rahaba. O rile go ditlhodi . . . Ga se a ke a re, “Letang go fihla ke bona gore Joshua o kama moriri wa gagwe bjang. Eng, bagenerala ba lena ka moka ba lebega bjang? Goba ke mohuta mang wa ditšhoša ba o šomišago? Ba na le didirišwa tša mohuta mang? Ke mohuta mang wa ntwā?” O rile, “Ke kwele gore Modimo o na le lena. Seo se lokile go lekanela go nna. Ke nyaka kgaugelo.” O dumetše.

“Tumelo e tla ka go kwa, gomme go kwa Lentšu la Modimo.”

¹⁰⁴ Hlokomelang, “Bakeng sa polelo ye, bakeng sa polelo ye,” Jesu o rile, ka gore o be a phegelela, le go tla.

¹⁰⁵ Bjale, sa pele, o Mmiditše, “Morwa wa Dafida.” Bjale ge . . . O bile, bjalo ka Montle, o be a se na le tleleime go Yena bjalo ka Morwa wa Dafida. Eupša ge a rile, “Morena,” Yena e be e le Morena wa gagwe, eupša e sego Morwa wa Dafida, go yona.

¹⁰⁶ O be a na le tokelo ya go batamela mpho ya Modimo. Gomme yeo ke tsela e nnoši ya go tsoge wa amogela eng kapa eng, ke go tla ka go batamela ga maleba. O be a le Montle wa mathomo yo mohlolo o kilego wa dirwa go yena. Tumelo e a amogela gore Lentšu le a rereša, ke go kokobela le tlhomphokgolo. Gomme go a swana le lehono, go rata go tšea karolo efe goba efe, kae kapa kae, “go no re ke fihle kua.”

¹⁰⁷ A le kile la ela Mareta hloko, ka Bogoneng bja Jesu, o be a kgotlelela? Mareta, ge a tlile ka ntle, le ge a be a na le ngwanabo yo a bego a Mo rata, le ge a be a butše ntlo ya gagwe le go tlogela kereke, le go ya pele, gomme Latsaro le Yena e be e le bagwera; gomme Latsaro o be a hwile, ka lebitleng, gomme o be a le ka kua lebaka la matšatši a mane, a šetše a senyegile. Nko e be e phobetše ka gare, nama e tlogile marapong a gagwe. O be a hwile.

¹⁰⁸ Ke be ke bolela le mosadi yo a bego a le wa tumelo ye nngwe ye e sa dumelego gore O be a se go no feta moporofeta goba monna wa go loka.

¹⁰⁹ Ke tla amogela gore O be a le moporofeta. Eupša, O be a feta moporofeta, O be a le Modimo wa baporofeta. O be a le ka moka se baporofeta ba bego ba le sona, se be se le ka go Yena, go hlakanya le Modimo, gomme ka moka ga sona mmogo se dirile Yena.

¹¹⁰ Re be re eya tlase, bošego bjo botee, o rile, “Ge nka go netefaletša, Mna. Branham!” O rile, “Ke no ba le phošo ye tee ka Molaetša wa gago.”

Ke ile ka re, “Ke a holofela Morena o dirile, feela o na le phošo e tee, o e hwetša le nna.”

111 O rile, “O kgantšha kudu ka Jesu.” O ile a re, “O-o Mo dira Modimo.”

112 Ke ile ka re, “O be a le Modimo. Ge A be a se Modimo, O be a le mofori yo mogologolo kudu lefase le kilego la ba le Yena.”

O ile a re, “O Mo dira yo Mokgethwa.”

Ke ile ka re, “O be a le yo Mokgethwa.”

“Oo,” o ile a re, “O be a le—O be a le monna wa go loka.”

113 Ke ile ka re, “O be a feta monna wa go loka. O be a le Modimo. O be a le yo Mokgethwa.”

O ile a re, “Ke tla go netefaletša, ka Beibele ya gago mong, O be a se yo Mokgethwa.”

Ke ile ka re, “O ka kgona go e dira bjang?”

114 O ile a re, “Ka go Mokgethwa Johane, ya 11 tema, ge Jesu a ile lebitleng, go tsošetša Latsaro godimo, Beibele e rile, ‘O llile.’”

Gomme ke ile ka re, “A leo ke Lengwalo la gago?” Ke ile ka re. . .

“Eye.”

Ke ile ka re, “O feila. . .”

O ile a re, “A ka kgona bjang go lla gomme a ba yo Mokgethwa?”

115 Ke ile ka re, “O be a le mmogo motho le Modimo. Yoo e be e le motho yo a bego a lla, ka nnete. Ke tla amogela gore e be e le motho a lla. Eupša ge A be a eme ka thoko ga lebitla, o ila a otlollela mmele wa Gagwe wa fela wo monnyane godimo, gomme a re, ‘Latsaro, etla pele,’ gomme monna o be a hwile, matšatši a mane, o ile a ema ka maoto a gagwe gomme a phela gape, seo e be e le go feta monna.” Eye, mohlomphegi.

116 Go bola go tsebile mong wa gona. Soulo e tsebile Mohlodi wa yona. Gomme o be a le leeto la matšatši a mane felotsoko; ga ke tsebe, le wena ga o dire. Eupša, go le bjalo, ge A boletše, o ile a tla pele. Amene. Seo e be e le go feta monna.

117 O be a le monna ge A etla fase go tšwa thabeng, bošego bjola, ka morago ga ge A tliile, o be a swerwe ke tlala; a tla tlase a lebelela godimo ga mehlare, go hwetša selo se sengwe gore a je, o lebeletše godimo ga mohlare, ge A rogile mohlare wo o bego o se na le dienywa. O be a le motho ge A be a swerwe ke tlala. Eupša ge A tšere dipisikiti tše tlhano le dihlapa tše pedi, gomme a fepile dikete tše tlhano, a tšere diroto tše šupa tša maratha a a bego a šetše, yoo e be e le go feta motho. Yeo ke yona.

118 O be a le motho ge A robotše ntle kua ka meetseng bošego bjola, ka lešagong la sekepe. Bokwala bo be bo tšwetše ka ntle ga Gagwe, letšatši ka moka botelele, a rera, le go fodiša balwetši; bokwala bo tlogile go Yena, go tšwa go batho, a hlatha megopolo ka dipelong tša bona. Gomme bodiabolo ba dikete tše lesome

ba lewatle ba ile ba ena gore ba tla Mo nweletša bošego bjoo. Sekepe se sennyane sela sa kgale sa go swana le setswalelo sa lepotlelo ntle kua, se tšokatšoka go ya godimo le fase. Diabolo o rile, “Ke Mo hweditše bjale.” Gomme go be go lebega o ka re ka moka go fedile. Eupša ge gatee A tsošitšwe, o tlile godimo gomme a bea leoto la Gagwe godimo ga morumo wa sekepe, gomme a lebelela godimo gomme a re, “Khutšo, homola,” gomme diphefo le maphotho a Mo obamela, yoo o be a feta motho. Yoo e be e le Modimo.

¹¹⁹ O be a le motho ge A be a llela kgaugelo, sefapanong, therešo. Ge A be a llela seno gomme ba Mo fa binika, yoo e be e le motho. Ge A ehwa, a etšwa madi, a lla, a bapolwa, a kokotelwa sefapanong, O be a le motho. Eupša ka moso wa Paseka ge A roba ditswalelo tša lebitla gomme a tsoga gape, gomme o rile, “Ke nna Yo a bego a hwile, gomme ke phela go ya go ile,” yoo e be e le go feta motho. E be e le Modimo ka mothong, Morwa wa Gagwe.

¹²⁰ Ga go makatše, Mareta ka kwešišo ye, o be a kgotlelela ka Bogoneng bja Jesu. O rile, “Ge O ka be o be o le mo ngwanešu wa ka a ka be a se a hwa. Eupša le bjale, eng kapa eng O e kgopelago Modimo, Modimo o tla e fa go Wena.”

¹²¹ Oo, ge feela re ka hwetša mantšu ao ka dipelong tša rena bošegong bjo! “Ke a tseba ke dutše ka go setulo sa mabili. Ke a tseba ke na le kankere, ke na le bothata bja pelo, eng kapa eng e lego yona. Ke a tseba ngaka o re iri ya ka ya mafelelo e kgauswi. Eupša le bjale, Morena!” Eng kapa eng o e kgopelago Modimo, O tla e dira. Gomme O dutše ka letsogong le letona la Bogoši bja Gagwe, go dira poelano bakeng sa boipolelo bja rena. E nong go phegelela go swana le ka fao Mareta a bego a le ka gona.

¹²² Go ile gwa bonagala o ka re O ile a mo gana. O ile a Mo romela, gomme O ile a se ke a ya. A romela gape, gomme A se ke a ya. Mafelelong, ka morago ga ge a bolokilwe, matsatši a mane, šo Yena. Eupša o be a sa phegelela. O be a swere selo se sengwe. O be a bone mediro ya Gagwe gomme o tsebile gore e be e le Modimo. O tsebile gore o be a le. O be a phegelela. O be a hweditše se a bego a se kgopetše.

¹²³ Mosadi wa Mosunami, ka bogoneng bja Eliya, o be a phegelela. Oo, lesea le be le hwile, gomme le letše godimo ga mpete wa gagwe. Gomme Eliya o lekile go tšea lepara le le tloditšwego le go le romela, ka Gehasi, go le latša godimo ga ngwana. Eupša tumelo ya gagwe e be e se godimo ga lepara, e be e le ka go moporofeta. O be a tsebile gore Modimo o ka go moporofeta, ka gore o be a bone mantšu ao a a boletšego a etla go phethega. O be a le moporofeta yo a hlatsetšwego, gomme o be a tseba gore se a se boletšego se be se etšwa go Modimo. Gomme o rile, “Bjalo ka ge soulo ya gagwe e phela, nka se go tlogele go fihla

ke hwetša ntle gore ka baka la eng.” Gomme o dutše le yena. O be a phegelela go fihla a hweditše se a bego a se kgopela.

124 E a nkgopotša, mo e sego telele go fetile, mosadi yo monnyane o tllile go tšwa California, ge ke be ke sa dula ka Jeffersonville. E bile e ka ba mengwaga ye meraro goba ye mene ya go feta. O be a na le sekutu, gomme sekutu se nnoši se be se imela diponto tše masometlhano. Ba be ba swanelwa ke go mo rwala go ya ka moagong, go mmea morago. Ba . . . O ile a tseba gore ke be ke eya go ba kua bošego bjoo. O ile a gopola gore ke be ke eya go rapelela balwetši. Eupša ke ile ka no tla go bolela le batheeletši, mohlomongwe ka se re nago le sona ka mo bošegong bjo. Ka morago ga ge ke feditše go bolela . . . Ba bangwe ba bona ba be ba mmoditše, “Ga a rapelele balwetši bošegong bjo.”

125 Eupša o be a nyaka go rapelelwa, o ile a bolela ka pelong ya gagwe, gomme a e dumela. O bile ka kopanong pele, gomme a re, “Ke a dumela ge Ngwanešu Branham a ka nthapelela, ke tla fodišwa.” Gomme bošegong bjoo, ba babedi goba ba bararo matikone ba mo fetišetše go dikologa, gomme ba ya ntle ka lehlakoreng la ntl- . . . moago, ba tla go dikologa go ya morago, ba mo latša mojako.

126 Gomme ke ile ka thoma go sepelela ka ntle le Billy Paul, ka morago. O ile a ntshwara ka leoto la borokgo, ka mkgwa *woo*. O rile, “Ngwanešu Branham,” o rile, “Ka mehla ke dumetše gore ge o ka kgopela Modimo, Modimo o tla mphodiša.”

127 Ke ile ka bea seatla sa ka godimo ga gagwe, ke rile, “Ka gona, kgaetšedi, go ya ka tumelo ya gago, a go be go wena.”

128 Dikgwedi di se kae ka morago ga fao, ke kopane le yena godimo ka—ka kopanong kua. O be a le fao, a eme ka letheka la go phethagala. Sekutu sa diponto tše masometlhano se be se ile. O rile, “Ke tla tšeela mosadi ofe goba ofe ka mo ka kamoreng ya go aparela, gomme ke mo dumelele go bona ge eba go na le lebadi go nna kae kapa kae. *Sese senepe* sa ka se ke bego ke le sona.”

129 E be e le eng? Ge e ba o be o rapelela balwetši goba aowa, o be a phegelela. O be a etšwa California, go fodišwa, gomme o be a sa ye morago ka ye nngwe tsela eupša a fodišitšwe. O be a phegelela.

130 Ke elelwa ke biletšwa lehlakoreng la mpete wa mošemane yo a bego a ehwa, mo mengwaga e sego ye mekae ya go feta, a na le tepetheria ye ntsho. Gomme ga se ba ke ba ntumelela go tsena ka kua, ka gore ke be ke na le bana. Ngaka e rile, “O ka se kgone go ya ka kua, o monna yo a nyetšego.”

131 Ke be ke tseba gore o be a le Mokatoliki, gomme ke ile ka re, “Ge—ge mošemane e be e le Mokatoliki, a o be o ka dumelela moprista go ya ka gare?”

O ile a re, “Ya, eupša yena—yena ga se a nyala.”

Ke ile ka re, “O etela bana, le go ya pele.”

O ile a re, “Ga se potšišo, Mna. Branham.”

¹³² Ke ile ka re, “O tla dumela moprista go ya ka gare le go mo fa ditirelo tša mafelelo. Ye ke ditirelo tša mafelelo. Mošemane o a hwa. Ntumelele ke fihle go yena.”

¹³³ Go lokile, mafelelong ke ile ka mo phegelela. Gomme o ile a nkapeša bjalo ka Ku Klux Klan, goba selo se sengwe, ka moka mehuta ya dilo godimo.

¹³⁴ Gomme mme wa go tšofala le tate ba be ba eme kua. Ke be ke tlogetše kopano, gomme wa—wa go tšofala mme le tate ba ile ba re, “Ge o ka tla wa rapela, ngwana wa ka o tla phela.” Mošemane o be a le e ka ba lesomešupa, lesomeseswai la mengwaga ka bokgale. O be a na cardiogram, motšhene kua, wa mehuta. O be a edibetše matšatši a mabedi goba mararo, gomme o be a sa tsebe selo. Mme le tate ba nkamogetše ge ke etla ka gare. Ke ile ka khunama fase gomme ka rapela thapelo ye nnyane ye bonolo ya tumelo.

Ke ile ka re, “Mohlomphegi, a o dumela Modimo?”

¹³⁵ O ila a re, “Ka pelo ya ka ka moka, selo se nnoši ke nyakago o se dira ke go kgopela Modimo. Modimo o tla se fa.”

¹³⁶ Ke ile ka re, “Ke a go leboga, ngwanešu, ka boitshepo bja gago. A nke ke se tsoge ka bo eka.”

¹³⁷ Ke ile ka bea diatla godimo ga mothaka yo monnyane, le go rapela, “Morena Jesu, a nke tumelo ya tate yo le mme di tšoenane le ya ka, gomme di tle pele ga terone ya Gago bošegong bjo. A mošemane a phele gomme a se hwe, ka gore re a dumela. Leineng la Jesu.”

¹³⁸ Ke ile ka emela godimo. Gomme tate a fihlelela godimo gomme a ubarela mme go kgabaganya leswafo le lennyane la tshipi, la selo se a bego a hemela ka kua, gomme a re, “Mme, a se ga se makatše? A se ga se makatše? Oo, go makatša kudu!”

¹³⁹ Gomme mooki yo monnyane o be a eme kua, o be a tlabegile. Kefana ye nnyane yela e ile ya nyaka go wa go tloga hlogong ya gagwe. O ile a lebelela go dikologa, gomme a re, “Mohlomphegi, ga ke kwešiše. O ka kgona bjang go dira ka moggwa woo, wena le mosadi wa gago, gomme morwa wa lena a ehwa?”

O ile a re, “Hani, morwa wa ka ga a hwe.”

¹⁴⁰ “Go lokile,” a re, “ngaka e boletše gore o be a ehwa.” A re, “Wola,” e ka ba eng motšhene e bego e le wona, a re, “ge pelo e ka tsoge ya ya bofase bjola, ka leuba le, ga se gwa ke gwa tsebja, ka historing, go ke ya tsoge ya bowa morago.”

¹⁴¹ Nka se tsoge ka lebala tumelo ya mopatriaka yola wa mokgalabje. O be a le wa, ke a dumela, mosepelo wa A. B. Simpson. A sepelela godimo gomme a bea diatla tša gagwe godimo ga magetla, o be a ka ba masometshela a mengwaga ka botšofadi, a bea diatla tša gagwe godimo ga magetla a mosetsana

yo monnyane yo, a mo lebelela ka sefahlegong. A re, “Hani, o lebeletše motšhene wola. Ke ka moka se o tsebago go lebelela go sona. Eupša nna ke lebeletše tshepišo, ye Modimo a rilego O tla e dira.”

142 Go ya le gore o lebeletše eng. Ba be ba kgokane seng sa bona, gomme ba thakgetše fao, ngwanešu. Gomme o nyetše, gomme ke moromiwa wa Afrika bjale, le bana ba babedi. Ka baka la eng? Ka gore tate le mme ba kgonne go swarelela ge e le iri ya leswiswiswi kudu. Phegelelo! Eye, mohlomphegi, phegelelo! Go ba le tumelo ka go Modimo!

143 Mika yo monnyane, ka bogoneng bja bona ka moka ga baporofeta ba makgolonne ba ba hlahlilwego, ba be ba phegelela ge a bile le pono go tšwa go Modimo. Le ge ba... O be a le kgahlanong. Ba kopane le yena gomme ba mmotša, “Bjale re tla go bea morago ka asoseišene ge o ka no bolela selo se se swanago, wena, ba bolela.”

144 O ile a re, “Bjalo ka ge Morena a phela, ke tla bolela feela se A mpotšago gore ke se bolele.” Gomme pono ya gagwe e ile ya lekolwa ka Lentšu la Modimo, gomme o ile a bolela seporofeto sa gagwe, go sa kgathale.

145 Ba rile, “Re tla mo lahlela ka diseleng tša ka garegare, gomme re mo fa bja bohloko, borotho bja bohloko, le meetse a bohloko.” “Gomme ge ba bowa morago,” o rile o tla šoma ka yena, Ahaba o dirile.

146 O rile, “Ge o ka bowa morago ka moka, Modimo ga se a bolela le nna.” O be a phegelela. O tsebile mo a bego a eme.

147 Monna wa sefofu yo a fodišitšwego ke Jesu ga se a ke a kgona go phegiša thutamodimo ya bona. Ba rile, “Ke mang a butšego mahlo a gago?”

O rile, “Monna yo a bitšwago Jesu wa Natsaretha.”

148 Ba rile, “Monna yo ke modiradibe. Ga re tsebe mo A tšwago.”

149 Bjale, o ba file karabo ye botse. O rile, “Le baetapele ba bodumedi ba letšatši le. Gomme Monna yo o mphile pono ya ka, gomme go le bjalo lena ga le tsebe mo A tšwago.” O be a na le ye botse thutamodimo ya gagwe mong. Ga se a kgona go phegišana le bona. Eupša o be a tseba selo se tee, o be a kgona go bona. Gomme o be a se na le dihlong. Tatagwe le mmagwe ba be ba na le dihlong go bolela selo se sengwe ka yona, eupša e sego yena. O be a e bone. O be a ikwetše yona. O be a na le dipelo tša yona. Selo se sengwe se be se mmoditše, gomme o be a phegelela.

150 Filipi, ka pela ge a bone, thuto ya bošego bja go feta, se, ge a tlile godimo ka Bogoneng bja Jesu Kriste, ge a bone wa Simone... ngwanabo Andria. Fili-...

151 Petro o tlile godimo ka Bogoneng, e be e le Simone nako yeo, o tlile ka Bogoneng bja Jesu. Simone o be a rutilwe, bjalo ka ngwana, gore Mesia e be e tla ba moporofeta. Ge a sepeletše

ka Bogoneng bja Gagwe, gomme A mmotša, “Leina la gago o Simone gomme o morwa Jona.” O be a phegelela. O be a lokile nako yeo. A ba hlogo ya kereke.

¹⁵² Ge Filipi a Se bona, o be a tseba mmadi yo mongwe yo mobotse wa Beibele yo a bego a tseba Therešo. O be a phegelela. O ile a ya go rarela le thaba gomme a mo hwetša.

¹⁵³ Gomme ge Nathanaele a etla, monna wa go tsebega, Moheberu wa nnete gabotse, monna, Moheberu wa mmapaale, monna yo mokaone ka nnete, botshephegi bjo bokaone, o be a le monna yo mogolo. Eupša ka bogoneng bja moprista wa gagwe le bogoneng bja yo mongwe le yo mongwe yo motee wa bona, ge Jesu a lebeletše godimo ga gagwe gomme o rile, “bonang Moisiraele yo ka go yena go sego bomenetša,” o rile, “Rabi, O ntsebile bjang? Ga se ka ke ka Go bona pele. O tsebile bjang gore ke be le mang?”

¹⁵⁴ O ile a re, “Pele Filipi a go bitša, ge o be o le ka tlase ga mohlare, Ke go bone.”

¹⁵⁵ O ile a wela maotong a Gagwe, gomme a re, “Wena o Kriste, Morwa wa Modimo wa go phela. Wena o Kgoši ya Israele.” Ka baka la eng? O be a phegelela go sa kgathale gore mang gape o gopola eng. O be a kopane le Selo se a bego a badile ka sona. Se a bego a letetše go se hwetša ka go Jesu, o be a se hweditše.

¹⁵⁶ Mosadi yo monnyane wa seotswa o ile ntle sedibeng, letšatši le tee, go ga meetse. Fao go dutše Jesu, Monna wa mehleng a apere diaparo tša go tlwaelega, a eja dijo tša go tlwaelega, a bolela leleme la go tlwaelega, feela leleme la mehleng la seterateng bjalo ka yo mongwe le yo mongwe gape a bego a le bolela. Gomme o ile a bolela le Yena; Yena a bolela le mosadi. Yena o hweditše mo phošo ya gagwe e bego e le gona, gomme Yena o rile, “Sepela o bitše monna wa gago gomme le tle mo.”

O rile, “Ga ke na le monna.”

¹⁵⁷ A re, “O boletše gabotse. O bile le ba bahlano, le yo o dulago le yena bjale ga se wa gago.” Ka bjako peu yela e kgethetšwegopele ka pelong ya gagwe e ile ya ratha Bophelo!

¹⁵⁸ Ge Bjoo bo ratha Bafarasei, Bo ile bja fetola selo sohle go ba se seso. Ba rile, “Monna yo ke Beletsebubu. Yena ke mmolellamahlatse.”

¹⁵⁹ Eupša o be a tseba gore Lentšu le be le le “bogalegale, le maatla kudukudu go feta tšhoša ya magale a mabedi, le Mofetleki wa megopolo ya pelo.”

¹⁶⁰ O rile, “Mohlomphegi, ke a bona gore O Moporofeta. Ga se ra ba le yo motee lebaka la mengwaga ye makgolonne. Ke a bona gore O Moporofeta. Eupša re a tseba gore ge Mesia a etla, O tla re botša dilo tše.”

¹⁶¹ Yena o rile, “Ke nna Yena yo a bolelago le wena.” Ka nnete yo Motee yo a dirilego mohlolo a ka se bolele maaka. Yena o be a

le Moporofeta. Mosadi . . . Yena o rile, “Ke nna Mesia yoo. Ke nna yo Motee, yo a bolelago le wena. Ke nna Yena.”

¹⁶² Bjale o leka go mo emiša? Ge yo mongwe a kile a ba ka Bohlabela, le a tseba, monna ka seterateng o be a ka se tsoge a kwa seotswa. Se be se se na le lentšu le gatee. Eupša leka go mo emiša, go swana le ntlo ye e swago ka letsatši la phefo, o be o ka se kgone go e dira. Thwi ka seterateng o ila a ya, a goelesa, “Etlang, bonang Monna Yo a mpoditšego dilo tše ke di dirilego. A ga se yena Mesia? Šole Yena o dutše ntle kua sedibeng bjale. Yoo ke yena Mesia. Re be re lebeletše Monna yola gore a tle, gomme šole Yena o dutše. Yena o mpoditše dilo tše.” Beibele e boletše gore batho ba ile ba dumela ka baka la bopaki bja mosadi.

¹⁶³ Ge ke tswalela, nka re. Ke bona batho Spain ba dutše mo, nka bolela se. Ke be ke le ka Mexico ya kgale, e sego telele go fetile, ka go—ka go arena tlase kua, mohuta wa lefelo. Ga se re kgone go tsena ka sedikong sa poo, goba sediko se segolo, eupša re bile le lefelo kua mo sekete se mmalwa sa batho ba bego ba kgobokane. Ngwanešu Espinoza, ke a nagana ngwanešu wa Assembly of God, ka moka le a mo tseba, go tšwa California. O be a le mohlatholli wa ka.

¹⁶⁴ Bošego pele ga fao, fao go be go le monna wa mokgalabje wa sefofu a tla go kgabaganya sefala, yoo a sa kgone go bona le gatee. Ke ile ka mo lebelela. Ke be ke rwele dietša tše botse, le diaparo tše botse. Modiidi wa mokgalabje, mankeretla, marokgo ka moka a gagogile, kefa ya gagwe ya kgale e rokilwe godimo ka—ka, go lebeba bjalo ka, setlemaganya gabedi. Gomme o be a fofetše; maledu a mašweu a lepeletša fase. A gagwe a kgale, a magolo a kgale maoto, gomme mohlomong ga se a ke a rwala dieta, mengwageng. Lerole ka moka gohle. Sefofu ka go felela. Ke ile ka mo lebelela. Ka gopola, “Tate wa ka a ka be a be a ka ba ngwaga yela, ge a ka be a be a sa phela.”

¹⁶⁵ Ke ile ka thellela godimo go yena. Ke ile ka re, “O dira bjang?” Ngwanešu Espinoza a hlatholla.

¹⁶⁶ Ke bea leoto la ka godimo thoko ya la gagwe, go hwetša ntle. Fao go be go le garetene ye nnyane go kgabaganya sefala e ka ba bophara bjo e ka bago makga a mane goba a mahlano go ye. Ke ile ka gopola, “Ge dieta tša ka di mo lekana, ke tla mo fa dieta tša ka.” Oo, maoto a gagwe e be e le a magologolo go feta a ka. Ke bea magetla a ka godimo kgahlanong le yena, bjalo ka ge o ka re ke be ke eya go bea matsogo a ka go mo dikologa, magetla a gagwe e be e le diphaphathi go feta a ka. Ke ile ka bona nako yeo gore ke be nka se kgone go mo fa jase ya ka. Ka gopola, “Modimo, nka kgona go dira eng? Mothaka wa go diila wa go tšofala, go molaleng gore ga se a ke a ja dijo tše kaone ka bophelong bja gagwe.” Gomme šole o be a le fale, a eja matsebelekwane a kgale a go lahlwa fase kua felotsoko; eupša go le bjalo o be a swanetše go šomiša tšhelete ye nnyane ye a bego a na le yona, go hwetša

kerese ya kirisi, go e tšhuma godimo go aletara ya gauta ya tolara tše milione, bakeng sa dibe tša gagwe, a phela ka go tumelo thoko le leswiswi la go swana le lela! Ka gopola, “Nako mang! Mafelelo a reng a kgona go ba a mabe?”

¹⁶⁷ Ke ile ka bea letsogo la ka go mo dikologa, le go lla, “O Modimo, eba le kgaugelo godimo ga gagwe!”

¹⁶⁸ Yena o ile a goelela, “Gloria a Dios!” Gomme e ka ba ka nako yeo ke ile ka lebelela go dikologa, o be a kgona go bona gabotse ka mokgwa wo ke bego ke kgona, a eya go kgabaganya sefala.

¹⁶⁹ Gomme bjo—bjo bo latelago bošego ge re etla ka gare, fao go be go le mokgobo wa diaparo tša kgale le dišolo, le dikefa, godimo dikgato tše tharo goba tše nne bogodimo, ka mokgwa wo, ka moka tsela go kgabaganya. Ba be ba tseba bjang gore ke ya mang? O nagana gore ba be ba tshwenyega? Ba tlile kerekeng mosong wo ka iri ya seswai goba ya senyane, go se ditulo go dula ka go tšona; thwi ntle kua, gomme e be e tšhologa fase pula, gomme ba no itshama yo motee go yo mongwe. Basadi ka moriri wa bona ka moka o lepeletše fase, gomme ba swere bana le dilo. E tšhologa fase pula, ba tlile ka iri ya senyane, gomme ke be nka se be fao go fihla e ka ba ka masometharo go tšwa go seswai goba senyane bošego bjoo. Ba be ba na le nnete ba be ba eya go ba ka kua. Ba be ba eme thwi kua ba letile go fihla ke etla ka gare.

¹⁷⁰ Ba ile ba ntlīša fase godimo llere la thapo, bokamorago bja arena, mo ke tlilego ka gare ka mokgwa wo, ka sepelela ntle go ya sefaleng. Billy Paul . . . Gomme monna yo ke mmitšago *Mañana*, mo go rago “bosasa,” o be a nokologa go tla go ntšea. Gomme ka fao ka re, “E no tla bosasa, o šetše o sentše bošego bjo.” Ka fao o ile a ntlīša godimo kua gomme a ntheošetša fase, gomme ka tla ka gare godimo ga sefala.

¹⁷¹ Ngwanešu Jack Moore, ba bantši ba lena ba a mo tseba, go no kgabaganya mo ka Shreveport, o be a na le nna; gomme Ngwanešu Espinoza le ba mmalwa ba baena. Ka gona ge re be re eme kua godimo ga sefala, Billy o ile a tla. Ke kwele gore fao go tsela ye kgolo, tsela ntle godimo kua, fao go be go le dikete atiša ka dikete ba dutše kua.

¹⁷² Billy o rile, “Tate, o tla swanela ke go dira selo se sengwe. Mosadi yo monnyane wa Spanish godimo mo,” a re, “o na le lesea le le hwilego ka matsogong a gagwe.” A re, “Lesea lela le hwile mosong wo, ba re, ka leselaphutiana. Gomme—gomme *Mañana* o file ntle tšona dikarata tša thapelo, gomme,” o rile, “gomme ga a na le karata ya thapelo, gomme ga ke na le ye tee.” A re, “Gomme o ikemišeditše go tliša lesea leo ka mothalong wa thapelo.” A re, “Re na le e ka ba makgolonne kua, ba loketše go rapelelwa.”

¹⁷³ Ke ile ka re, “Go lokile,” ke ile ka re, “e no mo dira a be morago. Ka gore, ge a ka tla pele, seo se tla thoma yo mongwe le yo mongwe yo motee wa bona go dira seo.” Gomme ke ile ka re, “Re ka se kgone go dira seo. Mmotše a no tsena mothalong

mohlomongwe bosasa. Re ya go ba mo go le bjalo bosasa go mo fa karata ya thapelo.”

174 Yena o rile, “Wena etla godimo gomme o e leke.” A re, “Ke na le babeagae wa makgolotharo kua ba ba sa kgonego le go mo swara, gomme,” a re, “a ka se imele diponto tše masomesenyane.” Gomme a re, “O ka se kgone go mo swara.” A re, “O kitima ka gare ga maoto a gago, a taboga bokagodimo ga magetla a bona, goba eng kapa eng, ka lesea le la go hwa.”

175 Gomme ke ile ka re, “Ngwanešu Jack,” ke ile ka re, “ga a ntsebe. A ka se ke a ntseba go tšwa go wena. Eya pele tlase gomme o rapelele lesea, gomme e tla e rarolla ka mokgwa woo.” Gomme ke rile, “Lesea le hwile?”

A re, “Eye.” Ke ile ka re . . .

176 Ke be ke bolela ka tumelo go ba selo se se lego gona, selo sa dilo tše di holofetšwego. Gomme ke be ke bolela. Gomme Ngwanešu Espinoza a thoma go bolela godimo, ge ke be ke bolela. Ngwanešu Jack a thoma go theoga go ya go rapelela lesea. Gomme ge ke thoma go lebelela, ke ile ka lebelela ntle mo pele ga ka, gomme fao go be go le lesea le lennyane la Momexican, le se na le meno, e be e le le lennyane kudu. Le be le myemyela, le ntebeletše, pono.

177 Ke ile ka re, “Ema motsotso, Ngwanešu Jack. Tliša lesea mo.” Gomme ka fao ba ile ba bula tsela.

178 Mo go tlile mosadi yo monnyane, ka dipheta tša thapelo ka diatleng tša gagwe, gomme a wela lebatong, a goelela, “Padre!”

179 Gomme ka—ka mo emišetša godimo. Ke ile ka re, “O se ke.” O be a na le le lennyane le bolou le bošweu, la methaladi lepae; le lennyane, la go thatafala lesea, le ka ba botelele *bjola*, le robetše ka matsogong a gagwe.

Ke ile ka re, “Mmotšiše gore le hwile neng.”

180 O rile, “Le hwile ka ofising ya ngaka, mosong woo, e ka ba iri ya senyane.” Gomme ye e be e ka ba masometharo go tšwa go senyane goba iri ya lesome bošego bjoo. Gomme o kolobile tsororo, o be a eme; moriri wa gagwe ka moka tlase. Mosadi yo monnyane yo mobotse, gomme, o, go molaleng e be e le lesea la gagwe la mathomo. O be a lebega a ka ba masomepeditlhano a mengwaga ka bokgale, goba selo se sengwe.

181 Gomme ke ile ka re, “Ngwanešu Espinoza, o se ke wa hlatholla thapelo ye, ka gore ke sa tšwa go bona pono ya le lennyane la go hwa lese- . . . goba lesea le lennyane ntle kua le ntshega.” Ke rile, “E ka no ba lesea.”

182 Gomme ke ile ka bea diatla tša ka godimo ga lepae le lennyane, gomme ka re, “Morategi Tate wa Legodimong, ga ke tsebe se pono e bego e se ra, eupša ke bone lesea le lennyane. Ge lesea lela, O loketše go le biletša morago bophelong, ke tla bitša bophelo bja lona, Leineng la Jesu Kriste.” Le ile la lokolla

kgoeletšo, gomme la raga lepae lela le go thoma go goelesa ka mokgwa *woo*. Gomme ka . . .

¹⁸³ *Voice* ya Banna Ba Kgwebo e be e e rwele, e sego kgale go fetile. Ke rile, “Ngwanešu Espinoza, o se ke wa bolela selo ka seo bjale. Wena romela semamathane ka morago ga lesele lela le mosadi yola, gomme le iše go ngaka gomme o hwetše afidabiti ya go saenwa pele o phatlalatša yeo bjale,” ke ile ka re, “ka gore e swanetše go ba therešo. Ga re tsebe.” Ka fao, ka fao ba ile ba romela semamathane.

¹⁸⁴ Gomme ngaka e ila ya saena afidabiti, “Lesele le hwile ka nyumonia ya go menagana gabedi,” mosong woo ka go ya gagwe. . . ka iri ya senyane ka ofising ya gagwe. “Le be le se na mohemo. Pelo ya lona e be e ile, le be le hwile le go thatafala.”

¹⁸⁵ Gomme fale go be go le mosadi yo monnyane yola. Ka baka la eng? Ka baka la gore o be a phegelela. Ga go selo se se bego se eya go mo emiša. O be a phegelela. O be a kgotlelela, le ge moprista wa gagwe a be a ka mmea ka ntle ga kereke (ka nnete o be a tla dira), go sa kgathale gore go diregile eng. O diregile gore a lebelele legoreng, mašego a se makae pele, gomme o ile a bona monna yola wa mokgalabje wa sefofu a amogela pono ya gagwe. “Ge Modimo a kgonne go fa pono go sefofu, A ka kgona go tsoša mohu!” Gomme o be a na le senyakwa. O be a phegelela, go swana le mosadi wa Sirofinika. O hweditše kganyogo ya gagwe ka gore o be a phegelela.

¹⁸⁶ Ngwanešu le kgaetšedi, re ka Bogoneng bja Jesu Kriste. Yena o rile, “Kae kapa kae mo ba babedi goba ba bararo ba kopanego Leineng la Ka, fao Nna ke magareng ga bona. Eng kapa eng ba dumelelanago godimo ga yona, ka go kgwathale selo se tee, gomme ba kgopela, ba tla amogela.” A re phegeleleng bjale ka Bogoneng bja Modimo, ge re inamiša dihlogo tša rena.

¹⁸⁷ Tate wa rena wa Legodimong wa mogau, re be re bolela lebaka le e ka bago masometharo le selo se sengwe a metsotso bjale, goba go feta, bakeng sa Mmušo wa Gago. [Lefelo la go se be le selo godimo ga theipi—Mor.] Modimo o dirile tshepišo. Modimo o a ikarabela go tshepišo ya Gagwe. A nke, Morena, re elelwe, gomme re be bjalo ka mosadi yo monnyane yola, re phegelele. Ge Jesu a le mo ka magareng ga rena, gona a re swareleleng go Yena go fihla re fihlelela se re se tletšego.

¹⁸⁸ Ge go le bao mo, bošegong bjo, bao ba sego ba phološwa, a nke ba sware godimo go fihla mogau wa go phološa wa Modimo o ba amogetše.

¹⁸⁹ Ge ba le mo ntle le kolobetšo ya Moya wo Mokgethwa, a nke ba be bjalo ka mosadi yo monnyane yola, a nke nako goba eng kapa eng gape e se ke ya ema ka tseleng. Ba tla swara le go kgotlelela go fihla Moya wo Mokgethwa o tlatša bophelo bja bona ka mogau wa Modimo.

190 Ge ba babja, a nke ba se ke ba lesa gwa tlemologa. Anke ba swarelele bjalo ka Jakobo, ka fao a bego a kgotlelela. O swere godimo, gomme o rile, “Nka se Go tlogele wa tloga go fihla O ntšhegofatša.” Tšhegofatšo ye e be e era bophelo go yena, gomme ka fao e a bo o ra go rena bošegong bjo. Gomme phodišo e ra bophelo go rena, Morena.

191 Re a rapela gore Bogona bja Gago bo tla tla, gore re tla kgona go hwetša go Go swara, gomme Wena o tla hwetša go re swara, go swana le ge O dirile ka Jakobo, kgošana yela ya go phetlana; gore O tla fetola leina la rena, go tloga go puku ya kereke mo lefaseng, go ya go Puku ya Bophelo ya Kwana Legodimong. Kgotlelelo, go swara go ya pele go fihla Modimo a tliša tshepišo ya Gagwe ka go rena! Re e kgopela Leineng la Gagwe.

192 Morena, re a tseba gore Lentšu go tšwa go Wena le tla go feta a dimilione ao yo mongwe gape a ka kgonago go a bolela. Etna, Morena, gomme o hlatsela se, gore ke boletše Therešo. Wena o a swana maabane, lehono, le go ya go ile. Wena o Lentšu. Wena o be o le Lentšu le le bego le le ka go Noage. Wena o Lentšu le le bego le le ka go Moshe. Wena o Lentšu le le bego le le ka go Eliya. Wena o be o le Lentšu le le bego le le ka go Dafida. Wena o Lentšu le le dirilwego nama gomme le magareng ga rena bošegong bjo. Wena o mo go netefatša tshepišo ye nngwe le ye nngwe ye Wena o e diretšego iri ye. “Bjalo ka ge go bile bjalo ka matšatšing a Sodoma,” ka moka ditshepišo tše Wena o di dirilego, Wena o mo go E tlišetša. E fe, bošegong bjo, Tate. Re tla hlokomela go bona Wena mo.

193 Gomme ka gona a nke kereke e fihle godimo ka tumelo gomme e tšee go swara, le gore, “Ke a kgotlelela, Morena. Ke tla dula mo go swana le moahlodi wa go se loke yo mohlologadi a go mo swara.” Gomme ge moahlodi yola wa go se loke, gore a tloše mosadi, o ile a mo fa kganyogo ya gagwe, go kaakang go fetiša gore Tate wa Legodimo o tla fa bao A ba letetšego go swara go Yena bošegong bjo? E fe, Leineng la Jesu, re a rapela. Amene. Morena a le šegofatše!

194 Ke nyaka go bona . . . Billy, a o file ntle dikarata? [Yo mongwe o a araba—Mor.] Makgolopedi? Ke dife di tee tše o di filego ntle lehono, H? Re thomile kae; tee, bošego bja go feta, ga se ra dira? [“Eye.”] A re thomeng felotsoko gape bošegong bjo. Karata ya thapelo bošegong ke H.

195 Mang kapa mang yo a nago le dikarata tša thapelo, swarelelang go tšona. Le a bona, re ya go rapelela yo mongwe le yo mongwe. E nong go swara, swara karata yeo ya thapelo. O fa monna karata ya thapelo, o šetše a fodile diperesente tše masometshela thwi nako yeo. Le a bona? O a tseba gore o ya go tsena ka mothalong, ka fao feela gore o no e swara feela. Leo ke lebaka le re di fago ntle.

196 A re thomeng go tloga go, a re boneng, go tloga go... a re e direng go tloga go masomeseswai bošegong bjo, go thoma go tloga masomeseswai, masomesenyane, lekgolo. Ke mang a nago le karata ya thapelo H, H go swana le Legodimo? ["Heaven" English—Mor.] H, masomeseswai, emišetša seatla sa gago godimo. Go bona ge eba ke... Mohlomphegi? Ga se ka e bona. [Yo mongwe o re, "Tsela ka morago."—Mor.] Oo, morago. Ka moka gabotse, etla mo, mohlomphegi. H, masomeseswai.

197 H, masomeseswai tee, ke mang a nago le masomeseswai tee? Emišetša seatla sa gago godimo. Masomeseswai tee, godimo mo. Etna, mohumagadi.

198 Masomeseswai pedi, ke mang yo a nago le masomeseswai pedi, a o ka emišetša seatla sa gago godimo? Thwi kua, masomeseswai pedi? Ka moka gabotse, masomeseswai pedi, ke mang yo a nago le karata ya thapelo H, masomeseswai pedi? Fale ke masomeseswai, masomeseswai tee; re nyaka H, masomeseswai pedi. O tla e bolela bjang ka Spanish? E ka ba yo mongwe ka Spanish. Ka moka gabotse, ka moka gabotse, masomeseswai pedi.

199 Masomeseswai tharo. H, masomeseswai tharo, ke mang a nago le karata ya thapelo H, masomeseswai tharo? Lebelela godimo ga karata ya gago. Lebelela karata ya thapelo ya moagišani wa gago, mohlomphegi ke difowa gomme ga ba kgone go kwa. H, masomeseswai tharo, masomeseswai tharo?

200 Le se ke la di tšea tšona dikarata ge le sa ye go di šomiša. Le a bona? Di hwetšeng, di šomišeng. Le a bona? Le se ke la di fetišetša go yo mongwe gape. Itshwareleng tšona ka bowena. O tla bušetšwa fase ka mothalong wa thapelo, le a bona. Ka fao tšea karata ya gago, etla, theetša ditaello pele ga kopano. Tšea karata ya gago ya thapelo gomme ka gona dula ka setulong sa gago, le a bona.

201 H, masomeseswai tharo, e kae? Masomeseswai nne? Mohumagadi mo. Masomeseswai tlhano, masomeseswai tshela. Yeo ke therešo, le arabe ka pela. Masomeseswai tshela, masomeseswai šupa, masomeseswai seswai, masomeseswai senyane. Masomesenyane, masomesenyane tee, masomesenyane pedi, masomesenyane tharo, masomesenyane nne, masomesenyane tlhano, masomesenyane tshela, masomesenyane šupa, masomesenyane seswai, masomesenyane senyane, lekgolo. Ba bale, Ngwanešu Grant, ge o ka dira, le go bona ge ka moka ba tsena ka gare ga mothalo wa thapelo.

202 Bjale ke ya go kgopela yo mongwe le yo mongwe ka mo bjale. Re tla be re feditše ka e ka ba ya lesome, ye lesometlhano metsotso. Ke ya go kgopela yo mongwe le yo mongwe ka mo go dula ka setulong sa gago, ba ba sego ba bitšwa. Ebang le tlhomphokgolo ka nnete, homolang. Phegelelang bjale.

203 A re le feng setori se sengwe se sennyane. Nako ye tee, go be go le mosadi. Jesu o be . . . Tumo ya Gagwe e ile ya phatlalala mathokong mošola ka Gadara, gomme mosadi yo monnyane o tlile tlase; goba, e sego ka Gadara, e be e le naga ye nngwe. Gomme o be a kwele ka Yena. O be a na le bothata bja madi. O tlile kopanong mo Jesu a bego a le gona, lebopong la lewatle, eupša ga se a ke a kgona go fihla go Yena. Gomme ka fao o ile a bolele ka gare ga pelo ya gagwe, bjale theetsang, ka gare ga pelo ya gagwe, gore, “Ge nka kgona go kgwatha seaparo sa Gagwe, ke tla dirwa go loka.” Le elelwa setori? Bjale, o ile a thella go kgabola gomme a kgwatha seaparo sa Gagwe.

204 Bjale go diregile eng? Jesu o ile a retologa gomme a re, “Ke mang yo a Ngwathilego?”

205 Ka baka la eng, Petro o ile a Mo sola. E no nagana ka seo bjale, ge ba sa bona gore ka moka ba fao. Petro o ile a Mo sola. O rile, “Morena!” Selo sa go swana le se, “Ka baka la eng, batho ba tla makala ge eba O ka monaganong wa Gago wa maleba.”

206 Ka baka la eng, yo mongwe le yo mongwe, “Halo, Rabi! Halo, Moporofeta! Yo ke Moporofeta yo moswa wa Natsaretha? Yo ke Moporofeta wa Galelia? Halo, fao!”

207 “Išang kua ka Monna yo mo bjalo,” go boletše baprista le ka moka ga bona. “Eyang kgole go tloga go Yena, yo mongwe le yo mongwe.”

208 Eupša o ile a swarelela go no swana, o dirile. O rile, “Ge nka no kgona go kgwatha seaparo sa Gagwe!” O dirile.

209 Ka gona Petro o rile, “Go lokile, O dira batho gore ba nagane gore O tšwele monaganong wa Gago.”

210 O rile, “Eupša Ke bona gore ke ba yo a fokolago.” Ke ba bakae ba tsebago seo? *Bokwala*, bjoo bo rago “maatla,” bo tlogile go Nna.

211 Gomme O ile a lebelela go dikologa bogodimo ga batheetliši go fihla A hwetša mosadi. Gomme ge A hweditše mohumagadi yo monnyane, O boletše eng go yena? O rile, “Tumelo ya gago e go phološitše.” O ile a mmotša ka bothata bja gagwe bja madi, gore o phološitšwe. A yeo ke therešo? [Phuthego e re, “Amene.”—Mor.]

212 Bjale ke ba bakae ba dumelago gore O a swana maabane, lehono, le go ya go ile, emišetša seatla sa gago godimo. Ke ba bakae ba tsebago gore ye ke Therešo? Ka go Baheberu 3, e bolela gore, “Thwi bjale Ke Moprasta yo Mogolo yo a kgonago go kgwathwa ke maikutlo a mahloko a rena.” Ke ba bakae ba tsebago seo? [Phuthego e re, “Amene.”—Mor.]

213 Go lokile, ge A swana maabane, lehono, le go ya go ile, . . . Feela, Yena ga a gona, ka sebopego sa mmele; ge A bowa ka mkgwa woo, nako e fedile, O tla tšea Kereke le Yena.

214 Eupša Yena o mo ka sebopego sa Moya wo Mokgethwa, go tla ka gare ga ka le ka gare ga gago, le go dira mešomo ye e swanago

ya Gagwe. O rile, ka go Johane 14:12, “Yo a dumelago go Nna, mediro ye Ke e dirago O tla e dire le yena.” A yeo ke therešo? [Phuthego e re, “Amene.”—Mor.]

215 Gomme ge Lentšu le le ka go rena, gomme re bolela Therešo, gomme ke Lentšu le A le tshepišeditšego lehono, gona a Lentšu la Modimo ga le “bogalegale go feta tšhoša ya magale a mabedi, le Molekodi wa megopolo le maikemišetšo a pelo”? A Beibele e bolela seo? [Phuthego e re, “Amene.”—Mor.] A ga se baporofeta ka moka ba bego ba kgona go lekola megopolo ka gare—ka gare ga monagano wa motho? A yeo ke therešo? [“Amene.”] Ka baka la eng? E be e le Lentšu le le bego le le ka go bona, Lentšu la Modimo la letšatši leo. Le a bona? Ke ka mokgwa wo ba bego ba hlatselwa. Ao e be e le maitsebišo a bona. Ga go le yo motee wa bona wo e bego e le wa mokgatlo, ga go le yo motee, a kilego a dira. Maitsebišo a bona e be e le bodiredi bja bona.

216 Modimo o rile, “Ge fao go ka ba yo motee magareng ga lena, yo e lego wa moya goba moporofeta, gomme se a se bolelago sa tla go phethega, gona le mo kwe, ka gore Ke na le yena. Eupša ge se sa tle go phethega, go lokile, le se ke la mo kwa.” Eupša ga ya swanela go no ba gatee, e swanetše go ba ya pele nako ka moka; go tšwa go baporofeta.

217 Fao go mpho ya boporofeta, yeo e lego ka kerekeng, yeo e swanetšego go lekolwa ke—ke balekodi, pele e ka kgona go botšwa kereke, ka nnete. “A e be pele ga baahlodi ba babedi goba ba bararo, ka gona e botšwe go yena.”

218 Eupša moporofeta o tswalwa e le moporofeta, o kgethetšwepele, o beetšwepele. “Jeremia,” Modimo o rile, “pele le bile o bopega ka dipopelong tša mmago, Ke go beile go ba moporofeta godimo ga setšhaba.” Johane Mokolobetši, mengwaga ye makgološupa le lesomepedi pele a tswalwa, “O be a le lentšu la yo motee a goelago ka lešokeng, ‘Lokišang tsela ya Morena.’” Le a bona? Nnete.

219 Elang hloko, bjale, ge Jesu a be a le mo lefaseng, O dirile sehlabelo sa go fodiša le phološo. A re dumela seo? [Phuthego e re, “Amene.”—Mor.] Jesu a ka se kgone go tla bošegong bjo gomme go phološa; O šetše a e dirile. Potšišo ya sebe e ile ya rarollwa. Ke Kwana ya Modimo ye e tšeago, e tšerego go tloša dibe tša lefase. “O ile a gobatšwa ka baka la dikarogo tša rena. Ka megogoma ya Gagwe re ile ra fodišwa.” Ke lebaka le le fetilego. Ga go kgathale gore o ka goella ntle kudu bjang, le gore o ka goella ntle bjang, seo se ka se dire botse bjo bonnyane go fihla o e amogela.

220 “Gomme Ke Moprista yo Mogolo yo a dutšego ka seatleng se setona sa Bogoši Godimo, go dira dipoelano ka boipolelo bja rena.” O swanetše go e amogela gomme o e bolele. Le a bona, ye e nepagetše. Tsela ye e swanago ka phodišo.

221 Eupša go ka reng ge A ka be a ema mo bošegong bjo, a apere sutu ye yeo A mphilego yona? O be A tla dira eng ka mothalong

wa thapelo? O be a tla tseba bjang gore e be e le Jesu? Le a bona? Bjale, bokgole bjo yo mongwe a tlogo gomme a re, “Jesu, a O tla mphodiša?”

O be a tla re, “Ke šetše ke e dirile.”

222 Bjale ge a be a na le mabadi a sepekere ka seatleng sa bona; gomme mang kapa mang o be a ka kgona go ba le leo, le a bona, lebadi lefe kapa lefe le bego le ka kgona go ba.

223 Eupša ke eng, o tseba bjang, o tseba eng gore ke mohuta mang wa morara? Ke gore ke mohuta mang wa bophelo o nago le bjona ka go wona. Gomme morara wo mongwe le wo mongwe, ge la mathomo . . . Lekala la mathomo le le tlogo ntle la Morara woo, Jesu Kriste, ba ngwadile Puku ya Ditiro ka morago ga lona. A yeo ke therešo? [Phuthego e re, “Amene.—Mor.] Ge O ka tsoge wa bea pele le lengwe le letsee, ba tla ngwala puku ye nngwe ya ditiro. Ka gore ge o emule diterebe, wo motee wa mathomo, nako ye e latelago o ka se kgone go ba le diswiri. Eupša, morara wa swiri o ka kgona go phela ka kua, ke seenywa sa legoro la namune. Eupša e phela bophelo bja yona mong; ka mehla o tla tliša pele diswiri, ke morara wo o hlomeseditšwego ka go wona. Eupša ge Morara ka bowona o bea pele lekala, le tla enywa kenya go swana le ka fao le letsee la mathomo le dirilego, ka gore e tla ba Bophelo bjo bo lego ka go Jesu Kriste bo tla ka go morara woo. Yeo ke therešo.

224 Jesu o rile, “Yo a dumelago ka go Nna, mediro ye Ke e dirago o tla e dira le yena.” Bjale ge A ka be a be a le fa, O be a tla tsebja ka Bophelo bja Gagwe, le ka dilo tše A di tshepišeditšego lebaka le.

225 Ke ba bakae ba bego ba le mo bošego bja go feta, a re boneng seatla sa lena. Ka go direga ka moka ga lena, ke a nagana. Ka moka gabotse. Bjale fale go batho . . .

226 Yo mongwe le yo mongwe ka mothalong wola, bokgole bjo ke bo tsebago, ke mosetsebje ka go felela go nna. Ge yeo e le therešo, emišetša seatla sa gago godimo. Yo mongwe le yo mongwe yo motee ke . . . A o mosetsebje? [Motho o re, “Eye.”—Mor.]

227 Ke ba bakae ntle kua ba e lego basetsebje go nna? Ka moka gabotse. Selo se nnoši ke le kgopelago go se dira ke go ba le tumelo le go dumela gore ke le boditše Therešo.

228 Bjale, lebelelang, Kriste o tshepišeditše dilo tše go matšatši a mafelelo. Bjale, ke a tseba le bile le bahlabani ba bagolo mo ka toropongkolo mohlomongwe Oral Roberts gomme, oo, go swana le mofeti Jack Coe le banna ba bagolo bao ba tumelo; ba phetše nako ya bona. Eupša elelwang leswao la mafelelo leo lefase la Bantle le le bonego pele morwa wa tshepišo a fihla ka nakong ya Abraham, e lego tatago ka moka, gomme Jesu o tshepišitše selo sa go swana; leswao la mafelelo le la go laetšwa Kereke ye e kgethilwego, bjale elelwang, fao go bile yo Motee. Ba babedi ba ile tlase gomme ba rerile ka Sodoma, ga se ba ke ba laetša leswao

le; le bile ga go bjalo le lehono. Eupša go Kereke ye e bileditšwego ntle, leswao le laeditšwego; gomme ka fao Jesu o porofitile gore e tla ba selo sa go swana, le a bona, Modimo o bonagaditšwe nameng, le a bona, a hlatha megopolo ye e lego ka pelong. Le a bona? Bjale, O tshepišitše seo! “Mmogo magodimo le lefase di tla feila, eupša Leo le ka se ke.”

229 Bjale ge A ka bonagatša seo, go laetša gore O gona mo, ke ba bakae ba lena ba tla Mo dumelago bakeng sa phodišo ya lena le eng kapa eng le se nyakago? [Phuthego e a thakgala.—Mor.]

230 Bjale, Morena Jesu, bjale ke go Wena, Tate. Eng kapa eng thato ya Gago e lego sona, a se dirwa. Ke nna mohlanka wa Gago. Ba ka moka ke bahlanka ba Gago, goba ba bantši ba bona ka mo. A nke bao e sego bahlanka ba Gago, ka Bogona bja Gago. . . ba tsebe gore mohlomongwe pele ga moso ba tla swanelwa ke go lebelela godimo ga sefahlego sa Gago. Bjale O ka kgona go myemela godimo ga bona ka mogau, eupša nako yeo O tla ba moahlodi wa bona.

231 A nke go tle go phethega, Morena, gore Jesu o tla tla magareng ga rena, bošegong bjo, gomme a dire le go dira go swana le ka mo A dirilego pele ga go bapolwa ga Gagwe; e tla ba netefatšo go rena, ka sefahlegong sa ka moka mabodumedi a bohetene, gore Mophološi wa rena ga se a hwa, eupša o tsogile go tšwa bahung. Gomme ka morago ga mengwaga ye dikete tše pedi, O sa no phela bošegong bjo bjalo ka ge A be a phela nako yeo. Gomme a nke rena, bjalo ka bao ba bego ba ešwa Emause, re re, “A dipelo tša rena ga se tša ke tša swa ka gare ga rena, ge A be a bolela le rena go bapela tseleng?” A nke Bogona bja Gago bo tsebje. A nke re bone Wena, bošegong bjo, Maatleng a tsogo ya Gago. Gomme ka gona a nke batho ba dumele nako ye, Morena, ka baka la Bogona bja Gago bjo bogolo bja go hlomphega. Re kgopela Leineng la Jesu Kriste. Amene.

232 Bjale ke tšea moya wo mongwe le wo mongwe. . . Yo mongwe le yo mongwe wa lena ke lena moya. Elelwang, ga se la ke la mpona; le bona legapi le la kgale la go tšofala mo le le bolelago Lentšu le. Bjale Lentšu le e ka ba le tšwa go Modimo, goba aowa, go swana le la gago. Lentšu le le no rwalwa go dikologa ka legaping le, leo ke tlogo go le fetolela letšatši le lengwe go le letee le leswa leo le la se tšofalego. Eupša, mogwera, yo mongwe le yo mongwe yo motee, le moya. Ka fao ge o sepela, le a bona, ge o na le taolo fao, le a bona, e a tsenatsena. E no dula go iketla ka nnete, e ba ka thapelong. Ke le nyaka. . . Ge Modimo a dira selo se sengwe, re swanetše go Mo leboga kudu. Ka nnete. Mo tumišeng, ka gona ebang le tlhomphekogolo gomme le hlokomele. E no dula go iketla ka nnete, gomme o dumele ka pelo ya gago ka moka.

233 Bjale lena ntle kua ba le se nago dikarata tša thapelo, ga go kgathale mo o lego, o no dumela gomme wa bolela se, “Morena

Jesu, se a re boditšego sona, se ka Beibeleng. Rena . . . ke a tseba gore O tshepišitše seo, gomme ke a tseba e swanetše go ba Wena. E ka se kgone go ba monna yola; ke monna bjalo ka ge ke le yena, goba go swana le monna wa ka, goba go swana le morwa wa ka, goba ngwanešu, goba eng kapa eng go feta.” Le a bona?

234 Eupša mpho ga se selo se sengwe, thipa, ye o e tšeago gomme wa ya go dira dilo ka yona, mpho. A mangwe a matsatši a, ke ya go ikhweletša tente ye kgolo gomme ke tle toropongkgolo, gomme ka no dula lebaka le e ka bago dikgwedi ka nako, le a bona, gomme ke rute, go le bjalo. Mpho, ke go intšhetša ka bowena ka ntle ga tsela, gore Modimo a kgone go tla ka gare, o bone se A se laetšego, se A se dirago. Mpho ga se, “Ke na le maatla go dira se, ke na le maatla!” Maatla a gago a mpho ke a go intšhetša ka bowena ka ntle ga tsela. Gomme mpho ye Modimo a go fago yona, e šoma ka seo gona, le a bona, ka morago ga ge o le ka ntle ga tsela. Le a bona?

235 Bjale, nka se kgone go Mo dira gore a se ke a bolela selo. O swanetše go e dira. Bjale go boloka nako . . . ke laletšwe ka nnete.

236 Eupša etla mo, mohomagadi, ke go nyaka o eme thwi mo. Ke be ke bolela dinako di se kae tša go feta ka mosadi mo . . . mo sedibeng. A o be o le mo bošego bja go feta? [Kgaetšedi o re, “Aowa, mohlomphegi.”—Mor.] O be o se mo. A o kile wa ba ka go e tee ya dikopano pele? [“Aowa, mohlomphegi.”] Ga se a ke a ba pele. Ye ke nako ya gagwe ya mathomo. Re basetsebane. O be le bile a se mo bošego bja go feta. Ga se wa ke wa ba le ditaelo tša yona. Ga go selo eupša go no ema mo. [“Yeo ke therešo.”] Bjale re eme. A o elelwa setori sa mosadi sedibeng? [“Eye, mohlomphegi.”] E be e le se sennyane sa ponagalong selo sa go swana le se, gomme Monna le mosadi ba be ba kopane nako ya bona ya mathomo ka bophelong.

237 Bjale, mosadi yo o be a le ka go, o be a le ka go . . . O be a le ka go dihlong. O be a nyetšwe dinako tše ntši kudu, gomme o—gomme o be a dula le monna yo a bego a se a nyalana le yena, gomme—gomme e be e le selo se sebe kudu. Gomme Jesu a bolela le yena.

238 Bjale o a elelwa. O rile, ka go Mokgethwa Johane 5:19, “Ruri, ruri, Ke re go lena, Morwa ga a kgone go dira selo ka Boyena; eupša se A bonego Tate a se dira, seo Morwa o se dira bjalo.” Ka fao, Jesu ga se a ke a dira selo se setee ntle le gore pele a se bone ka ponong, goba O boletše selo sa go fošagala fao. “Morwa ga a dire selo go fihla A bona Tate a se dira pele.” E sego go Mo *kwa*; “go Mmona a se dira.” Gomme ka gona Tate . . .

239 O bile le nyakego ya go feta ka Samaria. O be a eya Jeriko, eupša A ya godimo Samaria, toropokgolo ya Sekoro. Gomme A kopana le mosadi yo, gomme A thoma go bolela le yena go fihla A hweditše mo bothata bja gagwe bo bego bo le sona. Ka gona A

mmotša ka bothata bja gagwe, gomme ka pela, yena ka lemong leo, o ile a lemoga gore leo e be e le leswao la Mesia.

²⁴⁰ Go lokile, ge e le Yena maabane, e tla ba yo Motee yo a swanago lehono, ge A le wa go swana maabane, lehono, le go ya go ile. A yeo ke therešo, batheeletši? [Phuthego e re, “Amene.”—Mor.] Le a bona?

²⁴¹ Bjale re kopana nako ya rena ya mathomo. Nna ga ke Yena, gomme ga o yena, eupša Yena e sa le Modimo. [Kgaetšedi o re, “Amene.”—Mor.] Yeo ke therešo, le a bona. Bjale ge o ka kgona go ba le tumelo ka go—ka go se ke se bolelago, ka go Lentšu! Nka se tsoge ka bolela selo eupša se se lego ka go Lentšu le. [“Tumišang Morena!”] A ka no dira dilo ka ntle ga Lentšu leo; eupša ge feela A dira Seo, ke a tseba Seo ke therešo, gona, o a bona. [“Eye, mohlompegi.”] Gomme bjale ga o ntsebe, ga ke go tsebe.

²⁴² Ka fao ka fao ge o be o babja, gomme ke beile diatla godimo ga gago, le go goelela, go swana le mohlabani yo mogolo yola, Ngwanešu Roberts, goba ba bangwe ba bao, Ngwanešu Allen goba ba bangwe ba monna yoo, ka bea diatla godimo ga gago gomme ka re, “Haleluya, Morena o a go fodiša,” seo ke se sebotse. O dumela seo, gomme se tla šoma. Le a bona? [Kgaetšedi o re, “Amene.”—Mor.] Le a bona? Eupša bjale go ka reng ge A ka ema mo gomme a bolela selo se sengwe se o se dirilego, goba lebaka leo o babjago, goba selo se sengwe se se dirilego tlase go kgabola bophelo, goba selo se sengwe o bego o se wa swanela go se dira? [“Seo se tla ba kaone.”] Oo, seo seo, o tla tseba gore seo se be se swanetše go ba thwi, thwi molaleng go monagano wa gago nako yeo. [“Yeo ke therešo.”] Yeo ke therešo.

A e ka ba ya lena, ntle kua? [Phuthego e re, “Amene.”—Mor.]

²⁴³ Bjale ke boletše ka eng le mosadi? Le a bona, ga se ka ke ka swara molaetša wola bošegong bjo (Ke ile ka swanela ke go phegelela), le a bona, o be o tla mphetolela ka go rereng. Gomme bjale ke swanela go tla morago go go lekola, go ikhutša ka bonna, go bea William Branham godimo ka lehlakoreng le lengwe.

²⁴⁴ Ke ba bakae ba kilego ba bona senepe se sa go tšewa mo ka Houston? Gomme le. . . Se mo. Se ntle pele mo bjale, le a bona. Seo se lekeletše thwi ka thoko, gare ga ka le mosadi, thwi bjale. Sona se sele, se dikologa thwi tikologang. Ge mosadi a be a nyaka go se hlatsela; o a tseba, metsotswaneng ya go feta e sego mekae, fao go bile selo se sengwe se go swana le maikutlo a mabose ka nnete. [Kgaetšedi o re, “Eye.”—Mor.] Ge seo e le therešo, emišetša seatla sa gago godimo. [“Amene. Amene.”] Le a bona? Ke lebeletše thwi go Sona. Le a bona, go swana le go phela ka sekgaong se sengwe. Ke Se bogetše, go kgabola mosadi. [“Amene.”]

²⁴⁵ Bjale, mohumagadi, selo se setee, o tšhogile kudu. [Kgaetšedi o re, “Eye.”] Gomme seo ke se o bego o nyaka gore ke se rapelele. Gomme seo e no ba sa go hlolwa ke tlhago thwi bjale ka baka la

nako ye ya bophelo ye o phelago ka go yona, go hwetša mengwaga ye le go ya pele, yeo e go dira gore o tšhoge.

²⁴⁶ Selo se sengwe, o na le le selo se sengwe ka lehlakoreng la gago, se—se swana le dipotlana tše nnyane tša moya, go swana le, go kgobokana ka lehlakoreng la gago. [Kgaetšedi o re, “Yeo ke therešo.”—Mor.] Bjale a yeo ke therešo? [“Eye, mohlomphegi.”] Emišetša seatla sa gago godimo, ge seo. . . [“Seo—seo ke setatamente go tšwa go ngaka.”] Le a bona? [“Tumišang Leina la Gagwe le lekgethwa!”]

²⁴⁷ Bjale, le a bona, bjale šele yona gape, yo mongwe o re, “O thankile.” Wena, ke ya go bitša yo e lego yena, le letee la matšatši a, le a bona. O se ke wa e dira. O ka se kgone go ikuta ka bowena bjale, elelwa, le a bona. Le—le Lentšu, Le mo, ka Bolona. E sego nna, mogwera; ke no ba ngwaneno. Eupša Lentšu le mo.

²⁴⁸ Šo, ke motho wa go loka, a re boneng ge ke thankile seo. Ga ke tsebe bjale se ke se boletšego. Se swanetše go tla go kgabola theipi yela, ka gore ke a e tseba. Bjale lebakana feela. Eye. Eye, o—o a tšhoga, seo e lego sa go hlolega go tšwa go—go nako, mengwaga ya gago le dilo. O . . .

²⁴⁹ Gomme ka gona, selo se sengwe, o bile le—le opareišene. [Kgaetšedi o re, “Eye, mohlomphegi, ke nayo.”—Mor.] Gomme yeo e be e le taba ya bosadi, nako ye nngwe ya go feta. Yeo ke therešo. [“Eye.”] Seo se go dirile go tšhogatšhogi go feta pele. Yeo ke therešo, a ga se yona? [“Eye, mohlomphegi, ke yona.”] Uh-huh, yeo ke therešo. Gomme seo se go dirile gore o tšhoge, ka gore, mo nakong ye ya bophelong, se go dira o tšhoge kudu. Bjale, a o nagana gore ke a e thanka? [“Aowa.”]

²⁵⁰ Se se selo se sengwe. Fao go—go mosetsana le wena, mosetsana yo monnyane. Gomme o mo, gomme o tlaišegile ka go ruruga ga dithaka. [Kgaetšedi o re, “Eye. Amene.”—Mor.] A yeo ke therešo? Go dutše ntle kua. Gomme fao go mosadi, mosadi yo mongwe, mogwera wa gago [Eye, mohlomphegi.”], gomme o na le kgatelelo ya monagano [“Eye.”], go swana le letšhogo ka gona le monagano. [“Amene.”] A yeo ke therešo? [“Haleluya!”] Bjale ge o eya morago, bea sakatuku seo godimo ga bona; go ruruga ga dithaka go tla tloga gomme o tla ba ka godimo ga gona gomme o tla ba gabotse. Tloga, o dumetše Leineng la Morena Jesu.

²⁵¹ A le a dumela? [Phuthego e a thakgala gomme e re, “Amene.”—Mor] Yoo e be e le Jesu maabane, yoo ke Jesu lehono! Le swanetše go tseba gore yoo ke yo Mongwe, le a bona. Ya. Yo mongwe a nago. Bjale, fao, lebelelang, o be a le ka morago ga ka. Le a bona? Le a bona? Ga se. . . Ke be nka se kgone go dira seo. Le—le a tseba e swanetše go ba Maatla a mangwe, a ga le dire? [“Amene.”] A le a dumela gore ke Morena Jesu, go ya ka tšhepišo ya Gagwe? [“Amene.”] Morena a le šegofatše.

²⁵² O dira bjang, mohumagadi? Ke nna mosetsebje go wena, gape. Ga ke go tsebe. Ga se ka ke ka go bona ka bophelong bja

ka. Re basetsebane. Ye ke kopano ya rena ya mathomo, bokgole bjo ke bo tsebago. Eupša bjale ge Morena Jesu a ka mpotša selo se sengwe ka wena mong, selo se sengwe sela go swana le mohumagadi yola mola, eng kapa eng e bego e le yona, a o ka dumela gore e be e le Morena Jesu go na le go. . . E be e ka se be nna, le a tseba. Gomme bjale o be o ka kgona, go swana le Bafarasei, wa re, “Ke Beletsebubu, moya wo mobe.”

253 Gomme ka gore ba rile Moya wa Modimo, wo o bego o dira mošomo woo ka go Yena, e be e le “moya wo mobe,” e be e le maroga kgahlanong le Moya wo Mokgethwa, ao a ka se tsogego a lebalelwa ge Wo o etla ka letšatšing le. Leo ke lebaka leo setšhaba se se emego ka kahlolong lehono. Ga go selo se se šetšego ka sona eupša kahlolo. Se tletše Jack Rubys, le go ya pele, ka fao ga go selo se sengwe se ka kgonago go direga go sona eupša kahlolo.

254 Bjale o a babja. O be o le ngakeng. Ka nnete o eleditše opareišene. Oporeišene yeo e godimo ga lelalegolo. [Kgaetšedi o re, “Yeo ke therešo.”—Mor.] Yeo ke therešo, a ga se yona? [“Amene.”]

255 Se sengwe se se. O nyaka ka phegelelo sa semoya. . . [Kgaetšedi o re, “Eye. Amene.”—Mor.] O be a sa ikwele gabotse. O na le mohuta wa go gogolwa go tloga, gannyane, gomme o nyaka go bowa morago. [“Yeo ke therešo.”] Go lokile, o morago bjale. Bjale tloga, o dumela ka pelo ya gago ka moka, gomme o tla ba gabotse, Leineng la Jesu Kriste. Dibe tša gago di lebaletšwe wena. Bjale tloga, o dumela.

256 Bjale, ga se ka ke ka re re, “dibe di lebaletšwe.” O boletše seo. Le a bona, e be e se nna. E be le le Yena, le a bona.

257 A le a dumela? [Phuthego e re, “Amene.”—Mor.] Bjale se swanetše go dira bohle ba lena go no tseba gore ke Yena mo. A yeo ga se therešo? [“Amene!”] Ge le ka no dumela! E nong go ba le tumelo. Le se ke la kamaka. E nong go ba le tlhomphokgolo le go dumela Modimo. Bjale, le a bona, le ka Bogoneng bja Gagwe.

258 Bjale, ge ye tee ya diphetleko tšeo e dirile Morwa wa Modimo gore, “bokwala bo tšwetše ntle,” le nagana gore e tla dira eng go nna, modiradibe yo a phološitšwego ka mogau wa Gagwe? Le a bona? E tla ba, le tseba se e tla bago sona.

259 Lebakana feela, ga se mosadi. Gore, wena yo a sa tšwago go fodišwa, fao, mohumagadi, o yago morago go madulo a gago, lebelela go nna lebakana feela. Fao go—go monna o dutše thwi ka pele ga gago fao, yo a nago le bothata bja disaenase, o dutše thwi fao. Ya. A o a dumela gore Modimo o tla go dira o loke? O a dira? Ka moka gabotse.

260 Mpotšeng gore o kgwathile mang. Ga ke tsebe monna, ga se ka ke ka mmona ka bophelong bja ka. Ge yeo e le therešo, šišinya seatla sa gago, ge re le besetsebane yo motee go yo mongwe.

261 Bjale, lebelelang, gore le tle le tsebe se sengwe gape. Mosadi wa gagwe a dutšego kgauswi le yena kua, a le a dumela gore Modimo a ka kgona go mpotša se e lego bothata ka yena? A le tla ntumela go ba moporofeta wa Gagwe, goba mohlanka wa Gagwe? A le tle le dira? [Phuthego e re, “Amene.”—Mor.]

262 O na le letadi la bjang. Ge seo e le therešo, emišetša seatla sa gago godimo, mohumagadi. Ka moka gabotse. Bjale, ge lena bobedi le ka dumela! Le kgwathile Selo se sengwe. Dumelang bjale, gomme bo tla le tlogela.

263 A le dumela Modimo? [Phuthego e re, “Amene.”—Mor.] Le se ke la kamaka. Ebang le tumelo go Modimo.

264 Monna šo mo. Ga se ka ke ka bona monna yo. Ke yo monnyanenyane go feta nna, gomme ga se ka ke ka mmona pele. Ge re le basetsebane, mohlomphegi, mongwe go yo mongwe, emišetša diatla tša gago godimo. Ka moka gabotse. Ga se ka ke ka mmona.

265 Bjale a re tšeing seswantšho, ka Beibeleng, a re tšeing ge. . . ge Jesu a be a kopane le Simone Petro. Ke be ke tla mo eleletša e le monna selo se sengwe e ka ba wa mengwaga yeo, moriri wa gagwe o be o sesefala, ge Jesu a be a kopana le yena. Bjale hlokomelang. O ile a bolela le yena.

266 Bjale, ge ke sa tsebe monna, ga se ka ke ka mmona, bobedi bja rena ka diatla tša rena godimo, re basetsebane ba go felela mongwe go yo mongwe. Bjale, ba bangwe e be e le basadi, a re boneng ka monna yo.

267 Bjale lebelela go nna, lebakana feela, bjalo ka ngwaneno. Gomme bjale ge Morena a ka bolela selo se sengwe se o se dirilego, goba selo se sengwe se o swanetšego go ba o be o se dirile, goba o bego o se wa swanela go se dira, goba eng kapa eng e lego sona, o tla tseba ge eba ke therešo goba aowa. [Ngwanešu o re, “Eye, mohlomphegi.”—Mor.] O tla tseba. Gomme ka gona ga A ka kgona go go botša se e lego phošo ka wena, goba selo se sengwe se se lego monaganong wa gago, bolwetši bja gago ke eng, goba—goba selo se sengwe sa go swana le seo, a go botša selo se sengwe seo o—o tlogo go tseba ge eba ke therešo goba aowa. Ka gona ge A ka kgona go go botša se e bego e le sona, gomme o tseba ge e ba ke therešo goba aowa; ge A go botša se e yago go ba sona, gona o tseba seo e swanetše go ba therešo.

268 Bjale a seo se tla dira yo mongwe le yo mongwe ka mo. . . Ke no tšea nako ya ka le monna yo, le go bolela le yena. Yo ke wa mathomo yo motee.

269 Bjale lebelela ka tsela ye, lebakana feela, ge re bolela. A nke Morena a nthuše bjale. Gomme a o dumela se Beibele e se bolelago gore ke therešo? [Ngwanešu o re, “Eye, mohlomphegi.”—Mor.]

270 A o a dumela gore ye ke iri ye Jesu a swanetšego go tla; gore Kereke e tlile go tšwa go tokafatšo, tlhwekišo, kolobetšo ya Moya wo Mokgethwa, feela bjale ka phiramiti ka mokgwa woo e etla? Gomme bjale leswika la ka godimo le ya go swanela go ba la go phethagala kudu go fihla, ge Leswikahlogo le etla, le swanetše go kgomagana thwi le lona. Bodiredi bo swanetše go thoma ntle ka mokgwa *wo*, gomme le no tla go bonnyane nako ka moka, go dihlopha tše nyanennyane, le ba sehlopha se sennyannyane, go fihla mafelelong Leswika le kopana le moago. Yena ke Leswikahlogo, go tšea moago wohle le Yena, e lego Kereke. Ka moka ga bona ba tla tsogela godimo, go dikologela morago go tšwa go watšhe ye ya mathomo, pele go ya go ya bošupa, gomme ka moka ba ya ka go Thatlogo. Ye nngwe le ye nngwe ya tšona di bile le letšatši la tšona le abetšwe go tšona, gomme di bile le batsošološi ba tšona le bathomi, le go ya pele, ka moka go theoga go kgabola. Gomme letšatši le la mafelelo, e etla ka go ntšhu gape, e lego morago ka go lebaka la baporofeta, go tliša ye mmogo.

271 A o dumela seo, Lentšu le Leswika, yo Motee yo a tlogo? [Ngwanešu o re, “Ke a dira.”—Mo.] O na le boikwelo bjo bokaone kudu go wena, mohlomphegi.

272 Bjale, bothata bja gago, o bile le kotsi. Ka kotsing yeo, o ile wa tšhelwa ke gase ya khapone monokosaete. Yeo ke therešo. E go tšhetše mpholo. E tšhetše sebetse sa gago ka mpholo, gomme o bile le bothata ka seo. O bile le bothata ka teng ya gago. [Ngwanešu o re, “Therešo.”—Mor.] O bile le bothata ka pelo ya gago. [“Therešo.”] E go dirile gore o tšhoge go fihla o ikaga wenamong ka go seemo. O modiidi, o swanetše go ya morago mošomong. Eupša o a boifa go ya morago mošomong, o boifa gase yela ya khapone monokosaete. Eupša go ya go ba ka moka gabotse. Bjale, e le lwa, ge—ge Jesu Kriste a ka mpotša gore o mang, o tla . . . Bjale tšona dilo e be e le therešo, a e be e se yona? Ge A ka mpotša gore o mang, a o tla e amogela le go tseba, gomme wa ya morago le go ba wa lethabo le lebotse? A o tla e dira? Leina la gago o Mna. Wagner. [“Yeo ke therešo.”] Eya morago, ka tseleng ya gago.

273 A le a dumela bjale? [Phuthego e re, “Amene.”—Mor.] Ka pelo ya gago ka moka, o a dumela? [“Amene.”] “Ge o ka kgona go dumela, dilo ka moka di . . . Dilo ka moka di a kgonega go bona ba ba dumelago.”

274 Bjale a o a dumela gore Modimo o tla fodiša bothata bjoo bja sesadi bja gago? Bjale eya pele go kgabaganya sefala o re . . . [Kgaetšedi o llela ntle—Mor.] Amene. Le a bona? Modimo a go šegofatše.

275 Bjale, mohumagadi, ge o tsoga mosong, a o thatafala, ga o kgone go sepela tikologong kudu, atheraetisi. Eupša a o a dumela gore Modimo o kgona go fodiša atheraetisi? [Kgaetšedi o re,

“Eye.”—Mor.] Ka moka gabotse, eya pele ka tsela ya gago, o re, “Ke leboga Wena, Morena.” [“Eupša ke—ke be ke sa. . . Nyake phodišo ya megalatšhika.”] Ka moka gabotse, mohlomphegi, seo ke se se hlotšego atheraetisi ya gago, le a bona, e bile megalatšhika ya gago. “Ge o ka kgona go dumela, dilo ka moka di a kgonega,” eupša sa pele o swanetše go e dumela.

276 O nagana eng, mohlomongwe? A o dumela ka pelo ya gago ka moka? A o a dumela gore Modimo o fodiša bothata bja pelo le go go dira o loke? [Ngwanešu o re, “Nnete ke a dira!”—Mor.] Ka moka gabotse, eya pele ka tsela ya gago, e re, “Ke leboga Wena, Morena Jesu.”

277 Bjale, mohumagadi, o apešitšwe ke morithi, woo o ra kankere. [Kgaetšedi o re, “Therešo.”—Mor.] A o a dumela gore Modimo o tla fodiša kankere? [“Eye.”] Ka moka gabotse, e amogele gomme o ye pele ka tsela ya gago, e re, “Ke leboga Wena, Morategi Modimo,” gomme dumela ka pelo ya gago ka moka.

278 Modimo o kgona go fodiša bothata bja teng, goba eng kapa eng gape. A o dumela seo? [Kgaetšedi o re, “Eye, mohlomphegi.”—Mor.] Ka moka gabotse, eya pele ka tsela ya gago, gomme thakgala, e re, “Ke leboga Wena, Morena Jesu.”

279 A o a dumela gore Modimo o tla fodiša bothata bja gago bja sesadi, go rotha fao? Ka moka gabotse, eya pele ka tsela ya gago, e re, “Tumišang Morena.” Dumela ka pelo ya gago ka moka.

280 A o a dumela gore Modimo o fodiša saenase le asma, le ka mo dilo tše, a go dira o loke? Eya pele ka tsela ya gago, o thakgale, e re, “Ke leboga Wena, morategi Modimo.”

281 Go ka reng ge ke be ke se ka bolela selo go wena, ke ile ka no bea diatla godimo ga gago, a o be o ka e dumela? Leineng la Morena Jesu, fodišwa. Dumela ka pelo ya gago ka moka.

282 Etna, mohumagadi. A o dumela ka pelo ya gago ka moka? Leemo la go hlaelwa madi le bothata bja pelo, a o a dumela gore Modimo o tla go dira o loke? Ge o dira, eya pele ka tsela ya gago, e re, “Ke leboga Wena, Morena Jesu,” gomme dirwa go loka.

283 Ka moka gabotse, mohlomphegi. Etna, mohumagadi. A o dumela gore Modimo o fodiša bolwetši bja swikiri le go dira motho a loke go tšwa go bolwetši bja swikiri? [Kgaetšedi o re, “Eye.”—Mor.] Gona eya tseleng ya gago, e re, “Ke leboga Wena.” Dumela ka pelo ya gago ka moka, le a bona.

284 Modimo o fodiša letšhogo le bothata bja teng, gape. A O a dumela gore o go dira o loke? Eya pele ka tsela ya gago, o thakgetše. Eja selalelo sa gago, gomme e ba wa tlhohleletšo ye botse.

285 Etna. Teng ya letšhogo, gape. A o a dumela gore Modimo o tla go dira o loke? [Kgaetšedi o re, “Eye, mohlomphegi.”—Mor.] Eya pele ka tsela ya gago, gomme o je, gomme o dirwe gore o loke. Dumela ka pelo ya gago ka moka.

286 O na le morethetho wa go se itekanele wa pelo, eupša gape o na le atheraetisi. A o a dumela Modimo, Modimo o tla go dira o loke? [Kgaetšedi o re, “Eye, ke a dira.”—Mor.] Eya ka tsela ya gago, gomme o thakgale, gomme o re, “Ke leboga Wena, Morena.”

287 Teng ya letšhogo e hlola alsa ya mogodu le dilo. A o a dumela gore Modimo o tla go dira o loke le go go fodiša? [Kgaetšedi o re, “Ke a dira.”—Mor.] Eya pele ka tsela ya gago, gomme e re, “Ke leboga Wena, Morena,” gomme o dirwa go loka.

288 O na le dilo tše ntši, bothata bja sehumagadi. Bjo botee bja mathata a gago a magolo ke bothata bja pelo, mo gontši kudu go dikologa pelo ya gago. A o a dumela gore Modimo o tla go dira o loke? Eya pele ka tsela ya gago, le go thakgala, gomme e re, “Ke leboga Wena, Morena.”

289 A o a dumela gore Modimo o fodiša atheraetisi? [Kgaetšedi o re, “Eye, mohlomphegi.”—Mor.] E no tšwela pele o eya pele, gomme atheraetisi ya gago e tla be e ile.

290 A le dumela ka pelo ya lena ka moka? [Phuthego e re, “Amen.”—Mor.] Le a bona? Ka nnete seo . . .

291 Bjale ba bangwe ba lena ntle ka batheeletšing. Bjale ebang le tlhomphekgolo. Ebang le tlhomphekgolo, e nong go dula go iketla, le dumela ka pelo ya lena ka moka bjale. Lebelelang ka tsela ye, dumelang ka pelo ya lena ka moka, ba bangwe ba lena batho ntle kua ba ba sa yego go ba ka mothalong wa thapelo.

292 Mošemane yo monnyane yo a dutšego fase mo, mothaka yo monnyane wa pogopogwana a dutšego thwi kua. A ga o bone Seetša sela ka godimo ga gagwe? Mothaka yo monnyane o tlaišega ka bothata bja pshio. A o a dumela gore Modimo o tla fodiša bothata bja pshio, morwa? O a e dumela? Ka moka gabotse, emela godimo ka maoto a gago gomme o re, “Ke a e dumela le go e amogela.” Ka moka gabotse. Modimo a go šegofatše. Eya pele go ya gago . . .

293 A o dumela ka pelo ya gago ka moka? “Ge o ka kgona go dumela, dilo ka moka di a kgonega.”

294 Go reng ka wena yo a nngo go dula fase mo, o tlile godimo le mošemane yo monnyane le go dula fase? A o a dumela, bothata bjoo bja leihlo, Modimo o tla fodiša bothata bjoo bja leihlo le go dira o loke? O a dira? Ka moka gabotse, o ka kgona go ba le phodišo ya gago, le wena. Ka moka gabotse. O nno dula fase ka nako ya maleba. Amene. Eya pele thwi. Seo ke se sekaone. Seo ke se sebotse. Ka moka gabotse. Amene. Ka moka gabotse.

295 Mohumagadi kgauswi le wena moo, o na le bothata ka hlogo ya gagwe. A o a dumela gore Modimo o tla fodiša bothata bja gago bja hlogo, mohumagadi? [Kgaetšedi o re, “Ke a dira.”—Mor.] Ka moka gabotse. Mosetsana wa gago yo monnyane fao a tlaišega ka bothata bja monagano. Yeo ke therešo, a ga se yona? Bea seatla


sa gago bogodimo godimo ga gagwe, gomme dumela, gomme o tla loka, le yena. A o dumela seo?

²⁹⁶ Mosadi yo a latelago a dutšego kgauswi, o a rapela, thwi kgauswi le yena. O a rapela fao ka baka la legae la go thubega. A yeo ke therešo, mohumagadi? Emišetša seatla sa gago godimo. Dumela, gomme legae la gago le tla bušetšwa gape. Eba le tumelo.

²⁹⁷ Mohumagadi yo a dutše kgauswi le yena o na le sekutu. A o a dumela gore Modimo o tla fodiša sekutu seo, mohumagadi? Emišetša seatla sa gago godimo, e amogele.

²⁹⁸ Mohumagadi yo a dutšego kgauswi le yena o na le bothata bja mogolo. A o a dumela gore Modimo o tla fodiša mogolo wa gago, mohumagadi? Emišetša seatla sa gago godimo.

²⁹⁹ Molato ke eng ka lena batho? A ga le bone gore Jesu Kriste . . . A re emeleng godimo ka maoto a rena. Emelang godimo ka maoto a lena gomme le amogeleng Jesu bjalo ka mofodiši wa lena.

³⁰⁰ O Kwana ya Modimo, Leineng la Jesu Kriste, fodiša motho yo mongwe le yo mongwe mo, bakeng sa letago la Gago. 

KGOTLELELO NST64-0305
(Perseverant)

Molaetša wo ka Ngwanešu William Marrion Branham, mathomong o abilwe ka Seisimane ka Labone mantšiboa, Matšhe 5, 1964, ka Soul's Harbor Temple ka Dallas, Texas, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho tlhathollo e ngwadilwe gomme ya phatlalatšwa ke Voice of God Recordings.

NORTH SOTHO

©2017 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org